

Werk

Titel: Commentationes Societatis Regiae Scientiarum Gott

Verlag: Dieterich

Jahr: 1828

Kollektion: Wissenschaftsgeschichte

Digitalisiert: Niedersächsische Staats- und Universitätsbibliothek Göttingen

Werk Id: PPN35283028X_0006_2NS

PURL: http://resolver.sub.uni-goettingen.de/purl?PPN35283028X_0006_2NS

LOG Id: LOG_0025

LOG Titel: Blumenbachia novum e Loasearum familia genus; adiectis observationibus super nonnullis aliis rarioribus aut minus cognitis plantis

LOG Typ: article

Übergeordnetes Werk

Werk Id: PPN35283028X

PURL: <http://resolver.sub.uni-goettingen.de/purl?PPN35283028X>

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

BLUMENBACHIA,
NOVUM E LOASEARUM FAMILIA GENUS;
ADIECTIS OBSERVATIONIBUS

SUPER NONNULLIS ALIIS RARIORIBUS AUT MINUS
COGNITIS PLANTIS.

A U C T O R E
HENRICO ADOLPHO SCHRADER.

SOCIET. REG. TRADITA SEPT. 18. 1825.

Loasearum familia a Jussieu^o primum in *Annal. Mus. Paris.* *) constituta, certis innixa characteribus, ab omnibus confirmata et probata est, adeo ut super loco ei in Classe Polypetalorum assignato, dubium nullum superesse possit. Verum plantae, familiam hanc constituentes, non ubique et maxima ex parte tantum exsiccatae in Herbariis Musei Parisin. obuiae, vix adhuc in botanicorum notitiam peruererunt, quibus potissimum curae erat, ut internam earum partium structuram, praecipue fructum spectantem, accuratius cognitam haberent. Interea Cl. KUNTHIUS **), describenda hac familia, quatenus ad consilium suum pertinebat, botanicorum desideriis satisfecit. Laudandum quoque est, quod Vir Clarissimus

*) Tom. 5. p. 18.

**) Noua Gen. plant. 6. p. 118. sq.

Loaseas in duas sectiones, verus atque Turneriaceas dispescuit, cui posteriori praeter Turneram^{*)} huic affinem Piriquetam (cuius nullus adhuc locus fixus in familiarum serie) adnumerat. Procul dubio autem melius esset, si respectu discriminis, vtramque sectionem intercedentis; Turneriaceae, vt peculiaris familia, a Loaseis in posterum separarentur. Klaprothiae nouum genus, a KUNTHIO descriptum, vt tertium primae sectionis et medium inter Loasam et Menzeliam tenens, praecipue memoratu dignum est. Quartum adhuc his addo, quoad flores Loasae quidem haud dissimile, fructu vero ab hac, vt et a reliquis huius familiae adeo diuersum, vt iure nomine singularis generis dignum sit, prout ex data descriptione, icone et partium analysi additis, satis patebit.

BLUMENBACHIA,

CHARACTER DIFFERENTIALIS.

Calix ouario adnatus; fauce coarctata; limbo libero, quinquepartito, marcescente. *Petala* 5, compresso - cucullata. *Squamae* 5, cum petalis alternantes: singulae parastemones 2 inincidentes. *Stamina* creberima, per phalanges quinque petalis oppositas disposita. *Stylus* 1, stigmate obtuso. *Fructus* in 10 partes, basi spirales sponte secedens: 5 planis, ad axem cohaerentibus *Dissepimenta* mentientibus; 5 reliquis, his interpositis, crassioribus, basi in processum filiformem attenuatis velut *Valuulas* constituentibus. *Semina* plura, vtrique parieti laminarum versus axem affixa, intra velamen reticulato-fibrosum appendicula carunculae-

*) Ex sententia Cl. St. HILARII hoc genus a Portulaceis remota, ad Loaseas translata est. Conf. *Memoir. du Mus.* 2. p. 203.

formi aucta. *Integumentum* duplex, utrumque membranaceum. *Embryo* axilis, rectus, inuersus.

CHARACTER NATURALIS.

Calix ouario adnatus, costis spiralibus notatus; sauce coarctata; limbo libero, profunde quinquepartito, laciniis linearis-lanceolatis, acutis, aequalibus, corolla triplo breuioribus, marcescentibus. *Petala* quinque, limbo calicis inserta, compresso-cucullata, basi in unguem breuem canaliculatum angustata. *Squamae* quinque, ibidem inter petala insertae, laciniis calicinis oppositae iisque vix longiores, circa stylum connuentes, cucullato-concauae, supra basin appendiculis tribus capillari-filiformibus auctae. *Parastemones* duo intra singulas squamas inclusi earumque basi inserti, lineares, falcati, apice appendiculati. *Stamina* creberrima, sub disco epigyno inserta, in quinque phalanges, ante aperturam floris petalis reconditas, disposita. *Phalanges* e staminibus 14-16, inaequalibus, distinctis compositae. *Filamenta* capillaria. *Antherae* ellipticae-ouato, biloculares, longitudinaliter latere dehiscentes. *Discus* epigynus, paruus, orbicularis. *Ovarium* calici adnatum, quinqueloculare; ouulis 7-10 in quovis loculo, ouatis. *Stylus* 1, e centro disci prodiens, staminibus paulo longior, erectus, subulatus. *Stigma* obtusum. *Fructus* calicis limbo marcescente coronatus, costis decem, alterne angustioribus et versus basin spiralibus insignitus, maturitate in totidem partes longitudinaliter sponte secedens, quarum quinque alterne

semiellipticae, planae, submembranaceae, basi inuicem connatae et ad axem leuiter cohaerentes *Dissepimenta* mentiuntur; quinque reliquae, his interpositae, crassiores, paulo angustiores, dorso conuexae, lateribus planae, ad latus internum arcuatim excisae et basi in processum breuem filiformem attenuatae velut *Valvulas* constituant. *Semina* 5-10 in quois loculo, vtrique parieti laminarum versus axem affixa, velamine reticulato-fibroso laxe obiecta, quo denudato elliptico-oblonga, basi appendicula carunculaeformi aucta apparent. *Integumentum* duplex, vtrumque membranaceum: interiori tenuissimo, vtraque extremitate areola punctiformi notato. *Albumen* oblongo-ellipticum, carnosum. *Embryo* axilis, rectus, inuersus. *Cotyledones* plano-conuexae. *Radicula* teres, umbilicum spectans.

HABITUS. Herba subscandens, ramosa, pilosopruriens. Folia opposita, petiolata, lobata, exstipulata. Pedunculi axillares, uniflori: fructiferi longiores. Flores bracteati; petalis albis. Aestivatio valuata.

AFFINITAS. Loasae generi proxima quoad flores; diuersa calice ouario toto adnato, fauce coarctata eiusque limbo abbreviato marcescente, imprimis vero fructus structura *), qua simul a reliquis huius familiae generibus facile dignoscitur.

*) In Loasa capsulam constituente, calicis limbo persistente coronatam, subturbinatam, unilocularem, apice triavaluem; placentis parietalibus tribus, suturis valuularum respondentibus. *Kunth, Nov. Gen.* l. c.

. ETYMOLOGIA. Genus consecratum JOAN. FRIE-DERICO BLUMENBACHIO, Viro summo, cum Georgia Augusta d. XVIII. Sept. 1825 eiusdem summorum in medicina honorum Semisaecularia celebraret.

1. BLUMENBACHIA INSIGNIS. Tab. 1.

Crescit in Chili, locis vmbrosis subhumidis, et Cl. OTTONE monente, etiam in Montevideo a SELLOWIO obseruata est. 2. — Culta floret per totam aestatem in autumnum vsque. Propagatio fit per semina et taleas.

Radix perennis, ramosa, fibrillis pluribus obsita, sordide alba.

Ex qua

Caules plures, herbacei, serius basi lignescentes, sesqui-bipeda-les et ultra, procumbentes, vel erecti et subscandentes adstan-tibus plantis sustentati, fragiles, ramosi, tetragoni, vndique pilis exiguis verticillato-glochidatis tecti et pilis aliis maioribus vren-tibus conspersi, dilute virides, striis saturatoribus interruptis variegati, nitidi. *Rami* similes, ramulosi, patent-i-diuergentes; superiores patentes.

Folia opposita, petiolata: seminalia .4 - 5 lineas longa, ouato-elliptica, apice emarginata, serius quam in aliis affinibus fieri solet, decidua; caulinis sesqui-bipollucaria, patentissima, alia deflexa, palmato-quinqueloba, basi cordata, neruoso-venosa, costa venisque primariis subtus prominentibus, membranacea, vtrin-qne simili indumento ac caulis obsita, supra laete viridia, subtus dilutiiora; lobis obtusiusculis, inferioribus breuibus oblongis den-tatis, reliquis lanceolatis, inaequaliter suppinnatifido-dentatis: intermedio productiori, profundius diviso, dentibus omnibus acutiusculis, superne decrescentibus. *Folia* ramorum minora, tri-

loba; lobis supinnatisido - incisis, acutioribus. *Petioli* lamina breviores, canaliculati, pilis copiosioribus vrentibus instructi. *Stipulae* nullae.

Pedunculi axillares, alterni, solitarii, teretes, praeter pilos verticillato-glochidatos aliis maioribus geniculatis inspersis hirti, apice bracteati, uniflori; sub anthesi sesquipolligares circiter et erecti; post anthesin paulo longiores et crassiores, recurui, serius pendui. *Bracteae* duae, oppositae, paruae, linearis-lanceolatae, patenti-diuergentes, deciduae.

Flores pollicem ad lineas 14 in diametro aequantes, cernui, postice spectantes, inodori.

Calix ouario adnatus, globoso-obouatus, costis spiralibus notatus, punctis quasi sacharinis (*glochidium capitulis*) dense tectus pilisque vrentibus conspersus; fauce coarctata; limbo libero, profunde quinquepartito: laciniis linearis-lanceolatis, acutis, aequalibus, pilis geniculatis inmixtis verticillato-glochidatis hirtis, corolla triplo breuioribus, patenti-diuergentibus, marcescentibus, per aestuationem ut petala valutatis.

Petala quinque, limbo calicis inserta, quinque ad sex lineas longa, compresso-cucullata, basin versus in vnguem breuem canaliculatum angustata, apice denticulo recurvo, margine reflexo vtrinque infra medium appendicula bi-1. tridentata aucta, aequalia, dorso supra medium pilis sparsis vrentibus, reliqua exteriori parte imprimis margine pilis verticillato-glochidatis et inmixtis geniculatis conspersa, alba.

Squamae quinque, ibidem inter petala inserta, laciniis calicinis opositae iisque vix longiores, circa stylum connuentes, ouato-oblongae, cucullato-concauae; dorso crassiusculae, conuexae, tricostatae, citrinae, versus apicem fascia transuersali interrupta sanguinea eleganter pictae; apice truncatae, margine reuoluto sanguineo; supra basin angustatam et leviter incuruam appendiculas tres, capillari-filiformes, luteas, apice albas; patentes, curvatas,

vatas, squama ipsa minores exerentes; lateribus compressis, planis, membranaceis, ciliatis, flavescenti-albis.

Parastemones (Stam. sterilia Luss.) duo intra singulas squamas inclusi earumque basi inserti, lineares, compressi, falcati, basi incrassata et dorso tenuissime glanduloso-pubescentes, apice processum emitentes subulatum, hispidulum, squamam excedentem.

Stamina creberimia, sub disco epigyno inserta, in quinque phalanges ante aperturam florae petalis reconditas, disposita. Phalanges e staminibus 14-16, inaequalibus, distinctis compositae. *Filamenta* capillaria, tenuissime pubescentia. *Antherae* basi affixa, erectae, elliptico-ouatae, effoetae ellipticae, biloculares, longitudinaliter latere dehiscentes. *Pollen* globosum, album.

Discus epigynus parvus, orbicularis, pilis geniculatis dense obtectus.

Ovarium calici totum adnatum, globoso-obovatum, quinquelobulare; ouula 7-10 in quois loculo, parietibus longitudinaliter versus axem affixa, ouata, imbricata. *Stylus* 1, e centro disci prodiens, staminibus (post anthesin) paulo longior, erectus, rectus, subulatus, hirtellus. *Stigma* obtusum.

Fructus magnitudine Cerasi majoris, globoso-obovatus, etiam subglobosus, calicis limbo marcescente coronatus, costis decem, alterne angustioribus et versus basin spiralibus insignitus, vnde glochidibus exiguis tectus pilisque nonnullis vrentibus adspersus, dilute armeniacus, per maturitatem in decem partes sponte secedens, quarum quinque alterne semiellipticae, planae, submembranaceae, vtrinque reticulato-venosae ac nitidae, versus marginem incrassatae, margine ipso subconuexae, basi invicem connatae et ad axem leuiter cohaerentes *Dissepimenta* mentiuntur; quinque reliquae, his interpositae, crassiores, fungosae, paulo angustiores, triangulari-compressae, dorso (peripheriae costas latiores efficiente) conuexae, lateribus planae nitidaeque,

ad latus internum arcuatim excisa^e et inferiora versus in processum *) brevem filiformem, basi pericarpii affixum, attenuatae velut *Valuulas* constituant. Delapsò calicis limbo dissepi-mentorum cohaesio soluitur, et ope processuum filiformium val-vulae nunc facile reflecti ac reflexae iterum inflecti se patiuntur.

Semina quinque ad decem in quovis loculo, utrique parieti laminarum versus axem funiculis suis umbilicalibus absque ordine affixa, imbricata, sesquilineam circiter longa, velata, detracto velamine dimidio sere minora, elliptico-oblonga, teretiuscula, basi aucta appendice carunculaformi, conico-ouata, acutiuscula, subobliqua, glanduloso-carnosa, siccitate in apiculam exiguam exarescente.

Velamen semen totum laxe obtegens, oblongo-ouatum, olistus subrostellatum, sub rostelli apice affixum ibique foramine ouali, pro recipiendo funiculo, instructum, dorso conuexum, latere ventrali planiusculum, transuerse tuberculoso-rugosum, fusco nigrum, versus rostellum dilutioris coloris, e fibris rigidis, dense parallelis, flexuosis, reticulatim anastomosantibus compositum; interstitiis patentibus nonnisi distracto velamine conspicuis. Anastomosum coniunctiones subnodosae, tubercula transuersalia constituentes. Excusso semine velamen apice patet, et tunc leui pressione longitudinaliter fnditur.

Integumentum duplex: exteriori membranaceo, albescenti-brunneo, siccitate ruguloso et saturatori; interiori tenuissimo, albumini tenaciter adhaerente, albo, nitido, vtraque extremitate areola punctiformi fuscescente notato. Mediante duplice hac areola integumentum interius cum exteriori ad germinationem seminis vsque coniungitur.

*) Hunc processum proprie neruum esse, valvulae dorsum percurrentem, appetit, si is cortice suo celluloso denudatur.

Albuinen oblongo-ellipticum, teres, vtrinque obtusum, carnosum, lacteo-album.

Embryo albumine paulo minor, axilis, rectus, inuersus. Cotyledones breues, plano-conuexae. Radicula teres, obtusa, vmbilicatum spectans.

Datam descriptionem sufficere arbitror, vt intelligatur, quae noui huius generis plantae cum proxime affini Loasa propria sint, et quibus iisque grauissimis notis ab ea recedat. Præcipuum discrimen omnino a fructu repetendum est, peculiari conformatione et interna sua structura insigni, adeo vt mirum non sit, nullum ex magno pericarpiorum numero huic prorsus conuenire. Accedit quidem ad capsularem fructum, si cum MEDICO aliisque hoc nomine omnia congregare velimus pericarpia sicca et dehiscentia, non cum legumine et siliqua coniungenda; quod tamen carpologiae, solidiori fundamento superstructae, repugnat. Repugnat quoque haud negligendus situs fructus, in capsula vera superus, in nostræ plantæ fructu inferus *). — *Loasa contorta* LAM., iconæ

*) Persuasum mihi est, in divisione fructuum praecipue relationem calicis ad ouarium respiciendam esse. Hoc respectu fructus in genere habentur: I. NUDI s. superi, ex ouario libero orti et plerumque toti nudi, rarius externa floris parte persistente, facile tamen separabili obuallati, in tres sequentes subdivisiones commode separandi: 1. in non dehiscentes, vt *Caryopsis* (Gramina), *Nucula* (Cyperaceæ), *Nux*, *Samara*, *Bacca*, *Nuculanum* Rich., *Drupa* etc. 2. in dehiscentes sensu latiori, vt *Utriculus*, *Folliculus*, *Legumen*, *Siliqua*, *Capsula*; et 3. in partibiles, *Coccum*, *Synochorium* Mirb. (Malvaceæ). II. TECTI s. inferi, quorum ouarium cum calice sibi adhaerente in fructum mutatur. Huc spectant: *Achenium* Rich. (Compositæ), *Cremocarpium* Mirb. (Umbellatae), *Polachaena* Rich. (Rubiaceæ, Araliaceæ), *Diplotegium* Desv. (Orchideæ), *Onagrae plurimæ et similes* capsula infera, *Pepo*, *Pyrenarium* Desv. (Crataegus, Mespilus etc.), *Po-*

Iussieuana^{*)} leviter inspecta, ob costas fructus spiraliter tortas, Blumenbachiae forte alteram speciem constituere videtur; comparata vero descriptione l.c. data, secundum quam: "capsula contorta, quasi pluricostata, ab apice ad basin demum trivalvis; valvularum ex-tus 3-lineatarum margines introflexi, singuli seorsim cum proximo valuae vicinioris margine constituentes semisepta, quorum iugis, affinguntur 3 receptacula seminifera, post valuarum deli-scentiam libera etc." — sequitur, hanc Loasam, etiam nullo respectu ad calicis limbum persistentem habito, a Blumenbachia alienam et sui generis esse plantam.

Semen quod attinet, multis forsan videri posset, eiusdem integumentum retiforme ad mentem GAERTNERI arillo esse adscriben-dum. Quoniam vero ex sententia RICHARDI ^{**)}), cui prorsus adsen-tior, illud tantum seminis integumentum arilli nomine insigniri me-retur, quod ex ipso funiculo umbilicali originem suam trahit, siue semen totum siue ex parte includat: conferenti facile patebit, in-tegumentum seminis Blumenbachiae arillum non esse, sed forte se-minis integumentis propriis adnumerari debere. Si vero statuas — et quae est sententia vulgaris — integmenta seminis propria nucleum tegentia, duobus non esse plura (rarius solitaria), sibi arcte incum-bentia: exteriori s. *Testa* (si duo adsunt) firmiori, saturatori, um-bilico instructa et ab interiori (*membrana interna*), embryoni mag-is adhaerente, facile separabili: nec huius loci esse potest integu-

mum Linn. etc. — Ex breui hoc conspectu, cuius specialiorem ex-positionem alio loco datus sum, facile intelligitur, fructum Blumenbachiae inter Polachaenam et Diploecium posterioris sectionis sibi lo-cum vindicare. Simul quoque clarum fit, Achenium non cum Nucula coniungendum esse, Nuculanum cum Pyrenario misceri non posse, et denique Rubiaceis plurimis non Drupa exsucea aut Coccum, sed Polachaena vel Pyrenarium adscribi debere.

^{*)} Annal. du Museum, 5. p. 21. 25. t. 3. f. 1.

^{**)} Anal. du Fruit. p. 23.

mentum nostrae plantae, quippe quod testae superadditum siue tertium a nucleo inter integumenta tenet locum, et tota sua structura recedit. Quapropter illud, vt accessoriā seminis partem, *Velaminis* nomine separandum duxi *).

Velamine suo denudatum semen si respicis, primo in conspectum venit appendicula carunculaeformis, quae sicut aliae fun-

* Semina igitur a pericarpio inclusa, quoad integumenta accessoria, testam tegentia, generatim occurunt: 1. *velata*, integumento accessorio, ex ouulo oriundo, et testa sponte secedente vel separabili instructa; 2. *arillata*, si testa luniculi vmbilicalis dilatatione vel tota vel ex parte obtegitur, vt in Celastro, Evonymo, Oxalide, Xylopia aliisque; quibus addi possunt: 3. *tunicata*, quorum testa epicarpio velaminis vel arilli in modum inuestitur, vt in Coffea et in quibusdam affinibus (*Kunth. Nov. Gen.* 3. p. 371. 373.) Integumenti nomine e contrario haud meretur insigniri substantia vasculo-spongiosa, qua semina Theobromae, Nymphae aliarumque per maturitatem fructus inuoluntur. Sicuti et pubes varia, et quaecunque similia testam adhuc obsidentia ac cum epidermide ab ea detrahenda, merito seminis indumento adnumerantur.

Simili modo velata semina, quibus Blumenbachia gaudet, nonnullis tantum Loasae speciebus propria. Verum et aliis plantis velamen competit, forma et structura valde varium. Utitalissimum est *fusiformi* - *l. scoliformi* - *membranaceum*, perperam (monente RICHARD) arillo adscriptum, vt in plurimis Orchideis; in Pyrola, Menziesia etc. inter Ericeas; in Drosera, Hillia aliisque, quibus omnibus semen in medio laxe inhaeret. *Reticulato-cellulosum* et semini conforme illudque laxe vestiens, occurrit praecipue in Castilleja et Lamourouxia Rhinanthearium. In aliis eiusdem familiae generibus (Pedicularis, Euphrasia etc.) velamen e contrario obuium est *carnosum*, exsiccatione membranaceum, semen arte tegens et nonnisi per frustula soluendum. Subinde quoque, quamuis rarius, obseruatur *pulposum*, vt in Bixina et forsitan nonnullis congeneribus. Nec deest incompletum, quale in *Pitcairnia albucaeifolia* (tab. nostr. 3: figg. p - t.) et affinibus huius generis speciebus locum habet.

gosae epiphyses, e. gr. Euphorbiacearum, proprie funiculi umbilicalis intumescentiam constituit (quod in seminibus non plane maturis etiam rudimento funiculi, appendiculae adhaerente probatur); unde sequitur, semina Blumenbachiae, praeter velamen, quo tota inuoluntur, simul, vt illae, arillo sic dicto incomplete^{*)} esse stipata: structura saepe adhuc aequa insolita ac singularis. Nec minus notatu digna videtur areola exigua fuscescens, forma puncti post excussam testam in vtraque nuclei extremitate conspicienda. Quae areolae chalazae GAERTNERI quidem simillimae; sed haec, si adest, semper solitaria, et vel prope umbilicum externum, vel, et quod frequentius locum habet, huic e diametro opposita occurrit. Quae-ritur igitur; quaenam harum areolarum pro chalaza sit habenda. Quaestio haud facile soluenda si reputas, nullum discriminem inter vtramque oreolam intercedere, et nullum quoque vasorum umbili-calium fasciculum in oppositum nuclei areolam descendere. Nisi igitur duplarem chalazam statuere velimus, assumi saltem debet, ope harum areolarum, cum testa coniunctarum, succum nutritium nucleo ad vteriorem perfectionem afferri, quod tantum finis verae chalazae esse potest.

Postremo adhuc ratio habenda est indumenti, quod, vt vidi-mus, pube filamentorum et parastemonum forsan excepta, constat: 1. *pilis verticillato-glochidatis*, nonnisi lenti ope maxime augen-te conspiciendis, quibus tota fere superficies dense obtecta est, quibusque planta tacta vbiique tenaciter adhaeret (conf. tab. 1. f. dd. ***); 2. *pilis vrentibus*, reliquis maioribus, sparsim occurren-tibus, conico-subalutis, pellucidis et bulbo innascentibus (l. c. f. dd.

^{*)} Ab hac arilli specie, quae omnium frequentior occurrit, parum om-nino differre videtur umbilicus fungosus, Phylicae aliisque adscriptus; sed caendum est, ne cum hac, vt GAERTNERUS aliquique fecere, con-fundatur forma et substantia haud dissimilis Strophiola, saltem sensu a R. BROWNIO et DE CANDOLLO in Leguminosis, et a nobis in Boragineis adhibito.

**); 3. pilis geniculatis, similibus iis, qui a SCHRANKIO (*Nebengef. d. Pfl.*) tab. 1. f. 12. a. delineati sunt, sed gracilioribus, praecipue discum epigynum et calicis laciniis obsidentibus (l. c. fig. p. * et **); et denique 4. glochidibus s. pilis hamatis Schrank., quibus fructus maturus tantum obsitus reperitur, et qui tactu faciliter quam visu percipiuntur (l. c. fig. o. * et **). Si de scopo multiformis huius indumenti quaeris, facile patet, pilos urentes et forte quoque geniculatos humorum excretioni inseruire, pilos verticillato-glochidatos vero pro adminiculis esse habendos ad faciliorem plantae sustentationem.

EXPLICATIO TABULAE (primae).

BLUMENBACHIAE INSIGNIS superior plantae pars, magnitudine naturali repraesentata.

- Fig. a. Flos cum pedunculi parte, a latere visus, modice auctus.
- b. Petalum, eiusdem magnitud.
- c. Squama, maguit. natur.
- d. Squama a dorso; e. a latere; et f. a facie visa, magnit. valde auct.
- g. Eadem a facie, parastemonibus exentis, magn. valde aucta.
- h. Parastemes seorsim, magn. valde aucta.
- i. Fasciculus staminum } magn. nat.
- k. Stamen, e minoribus; } magn. nat.
- l. Idem, magnit. aucta.
- m Anthera adhuc clausa a facie et } magnit. valde aucta.
- n. Eadem effoeta a latere visa; } magnit. valde aucta.
- o. Ovarium foecundatum, magn. natur.
- p. Idem, magn. auctum.
 - * Calicis laciniae particula pilis geniculatis obsita, magn. aucta.
 - ** Horum unus seorsim, magnit. valde aucta.
- q. Fructus matus e maioribus, calicis limbo marcescente adhuc coronatus, longitudinaliter secedens, magn. natur.
 - * Particula epidermidis fructus glochidibus obsita, magn. aucta.
 - ** Glochides nonnullae seorsim, magn. valde aucta.

- Fig. r. *Fructus calicis limbo denudatus, valvulis reflexis, vt seminum insertio melius appareat, magnit. natur.*
- s. *Semina nonnulla, velamine adhuc vestita, magn. natur.*
- t. *Horum unum a latere visum, magn. aucta.*
- u. *Velamen separatum et longitudinaliter fissum, eiusdem magnitud.*
- v. *Semen recens velamine suo denudatum, magn. natur.*
- w. *Idein, magnit. valde acutum.*
- * *Appendicula carunculaeformis.*
- x. *Idem testa denudatum, eiusd. magnit.*
- * *Chalaza umbilicalis.*
- y. *Embryonis in albumine situs, eiusd. magnit.*
- z. *Embryo solutus, eiusd. magnit.*
- aa. *Semina germinantia, cotyledonibus adhuc intra albumen et membranae internae tubum reconditis, magn. natur.*
- bb. *Plantula seminalis primi stadii, magn. natur.*
- cc. *Plantula adultioris status, foliis seminalibus adhuc residuis, magn. natur.*
- dd. *Costae foliorum particula pilis verticillato-glochidatis et nonnullis vrentibus conspersa. * modice aucta; ** Pilus vrens, magnit. valde aucta. *** Pili nonnulli verticillato-glochidati, eiusd. magnit.*
-

Absoluto genere Blumenbachiae ad alia genera illustranda pro-gredior, inter quae Stachytarpha locum primum obtinet.

STACHYTARPHETA VAHL.

Calix tubulosus, quadri-rarius bidentatus. *Corolla* tubo recurvo; limbo quinquefido, inaequali. *Stamina* quatuor: duo sterilia. *Stigma* peltatum. *Drupa* exsucca, bilocularis, bipartibilis; loculis monospermis.

Herbae, suffrutices aut frutices; ramis brachiatis. Folia opposita, petiolata. Spicae terminales, demum alares, solitariae, teretes, graciles: fructiferae elongatae. Flores alterni, sessiles, rhachi carnosae magis vel minus immersi, bracteati. Calices compressi. Corollae violaceae, caeruleae, coccineae aut roseae; tubo calice duplo longiori. Stamina inclusa: fertilia lateri, sterilia inferne inserta. Antherarum loculi diuergentes.

† *Calicibus bidentatis.*

1. STACHYTARPHETA *elatior*, caule herbaceo hirto, foliis linearie-lanceolatis vtrinque attenuatis remote serratis scabris, bracteis calice longioribus. Tab. 2. f. 1.

Stachytarpheta elatior. Schrad. in R. et Schult. Mant. 1. p. 172.

Hab. in Brasiliae humidis et viginosis. Semina a Principe Sereniss. Maximil. Neowidensi, vna cum plurimis aliis in itinere per Brasiliam lectis, liberaliter missa. Flor. Iulio et Augusto; semina fert Septembri vel Octobri.

Radix annua, perpendicularis, fibrillas plures ramosas emit-tens, sordide alba. *Caulis* 3-4 pedalis altiorque, rarius simplex, plerumque superne ramosus, versus basin teretiusculus, reliqua parte vna cum ramis obtuse tetragonus, imprimis ad nodos supe-

riores hirtus. *Rami* erecto-patentes, pilis copiosioribus tecti: opposito altero breuiori. *Volva* patentissima, serius (praeceps certum caulinam inferioram) flaccida, 5-6 pollices et ultra longa, dimidium ad lineas 8 lata, vtrinque praecipue apice attenuata, acutiuscula, basi in petiolum carinatum desinentia, remote serrata, venosa, rigidula, vtrinque et margine scabra, margine basin versus et ad costam subtus prominentem pilis similibus quibus caulis vestitus obsita, pallide viridia: superiora et ramea duplo minora, breuius petiolata, angustiora, carinata. Ramulorum rudimenta in omnibus axillis superioribus. *Spicae* pedunculatae: iuniores recurvuae; adultores erectae, magis vel minus curvatae, fructu maturante sensim ad sesquipedalem et ultra longitudinem protensae. *Flores* rhacheos scrobiculis toti immersi: inferioribus remotioribus. *Bracteae* ouato-lanuginosae, cuspidato-acuminatae, margine tenuissime serrulatae, calicibus paulo longiores. *Calix* oblongus, compressus, hinc sulco longitudinali inscriptus, inde (vbi ad rhachin spectat) costa notatus, apice bidentatus; dentibus acuminatis, subaequalibus, hispidulis. *Corolla* violacea; tubus calice duplo longior, intus pilis breuis perspersus; limbi laciniae obtusatae, integerimae, vel omnes excepta infima retusae; faux glabra. *Stamina* 4, summo tubo imposita, inclusa, quorum 2 fertilia lateri, 2 sterilia inferne inserta^{*)}. *Filamenta* hirta: sterilia fertilibus plerumque paulo longiora, tenuiora, apice glabra et violacea. *Antherae* bilobulares, didymae; loculis diuergentibus, ouato-ellipticis, flavis, longitudinaliter superne dehiscentibus. *Ovarium* disco epigyno exiguo insidens, ouatum, in stylum continuum, subcompressum, biloculare, ouulis duobus erectis foetum. *Stylus* tubo corollae paulo breuior, capillaceus, glaber. *Stigma* peltatum, conuexum,

^{*)} Similis staminum insertio in omnibus Stachytarphetis obtinet, quas vias examinare mihi licuit, ut eam normalem statum constitutere facile credas; nunquam vero stamina sterilia ex VAHLII sententia superiori tubi lateri inserta obseruauit.

emarginatum. *Drupa* inclusa calice persistente, sesquilineam vix superans, per maturitatem exarescens, cuneato-oblonga, obtuse mucronata, basi excavata discum epigynum recipiens, compressa, bilocularis, bipartibilis. *Loculi* vel si mauis carpella linearis-oblonga, deorsum leviter angustata, subincurna, hinc convexa, a medio ad apicem reticulato-rugosa, glabra, fusca, nitida; inde (qua gemina sibi incumbunt carpella) plana, granulis minutissimis conspersa, lutescenti-brunnea, margine incrassato circumscripita; endocarpio crasso, duro, subosseo. *Semen* in quolibet carpello unum, eiusdem cavitatem replens, oblongo-cylindraceum, basi attenuatum, hinc planiusculum, album. Membrana propria seminis tenuissima. *Embryo* semini conformis, erectus, lacteus. *Cotyledones* oblongae, plano-connexae. *Radicula* longa, teretiuscula, crassa.

2. STACHYTARPHETA *angustifolia*, caule herbaceo foliisque lanceolatis vtrinque attenuatis remote serratis glabris, bracteis calice minoribus.

Stachytarpheta angustifolia. *Vahl. Enum. 1. p. 205. R. et Schult. System. 1. p. 203.*

Planta annua, pedalis vel sesquipedalis, nonnisi ad petiolorum basin hirta. *Caulis* plerumque a basi ramosus, inferne teres, superne vt rami tereti-compressus, vtrinque sulco longitudinali. *Folia* duos, in vegetioribus tres pollices longa, pollicem dimidium ad integrum lata. *Spicae* primariae fructiferae pedalem longitudinem raro superantes; ramorum minores. *Calices* fructiferi vt in elatiori toti immersi. *Bracteae* lanceolatae, cuspidato-acuminatae, exceptis infimis calice paulo breuiores. *Reliqua* cum praecedente conueniunt.

Num *Stachytarpheta indica* Vahl. etiam huic Sectioni iungenda sit, ob defectum speciminum affirmare non possum.

†† *Calicibus quadridentatis.*

3. STACHYTARPHETA *urticaefolia*, caule suffruticoso scabro, foliis elliptico-ouatis subserrato-acute crenatis rugosis supra glabris

subtus scabriusculis, bracteis subulato-acuminatis calice minoribus.

Stachytarpheta vrticifolia. *Sims in Curt. botan. Magaz.* t. 1848. (superiorem plantae partem exhibens). *R. et Schult. Mant.* 1. p. 173.
Stachytarpheta Fischeriana. *Hortor.*

Cymburus vrticaefolius. *Salisb. Parad. Lond.* n. 53. (excl. syn.)

Zapania vrticaefolia. *Poiret. in Encycl. bot. Suppl.* 5. p. 520.

Habitus *Stachyt. jamaicensis* s. *cayennensis* et cum vtraque in Hortis saepe confusa. *Caulis* suffruticosus, pedalis vel sesquipedalis altitudinis, erectus, subflexuosus, rigidus, internodiis bi-l. triplicaribus, subaequalibus, primo simplex, dein apice in duos ramos diuisus, versus basin teretiusculus et scaber, reliqua parte obtuse tetragonus, internodio ultimo vna cum ramis subcompresso et minus scabro. *Rami* erecto-patentes, internodio infimo (4-6 pollicari), subsequis duplo triploue longiori. *Folia* petiolata, patentib. diuergentia, bi-l. triplicaria, sesqui ad duos pollices lata, inferiora ouato-elliptica et obtusa, subsequa elliptico-ouata, obtusiuscula, acute crenata, crenis ad folii apicem leuiter spectantibus, basi integerrima, rugosa, reticulato-venosa, submembranacea, supra plerumque glabra, margine et subtus ad costam et venas prominentes scabriuscula, laete viridia: ramorum duplo minora, acuta. *Petiolae* vnam tertiam laminae partem circiter aequantes, praesertim in foliis iunioribus pilis rigidulis ciliati. *Spicae* pedunculatae, crassitie pennae columbinae: iuniores subrecuruae; adutiores erectae, curuatae, pedales et longiores. *Flores* semiimmersi, conferti: inferioribus remotioribus. *Bracteae* calice minores, ouatae, subulato-acuminatae, versus basin margine tenui membranaceo subciliao cinctae. *Calix* latere anteriori bicostatus, scabriusculus, quadridentatus, dentibus duobus anterioribus paulo minoribus. *Corolla* violacea. *Stamina* sterilia (quae non vidisse asserit SIMSIUS) fertilibus vix longiora, subinde paulo breuiora, apice violacea. *Drupa* exsucca, oblonga, rugulosa, basi parum excavata.

Seminum structura et reliqua omnia ut in *St. elatiori*. — Variat foliis supra scabriusculis, et quandoque ramorum apice vna cum foliorum costa magis vel minus violaceis.

Stachytarpheta iamaicensis, in Hortis frequentissima, quam maxime variat altitudine et superficie; dignoscitur tamen haud difficile: foliis ouato-ellipticis, obtusioribus, subsucculentis et plerumque glaucescenti-viridibus. Bracteae calice semper breviores, quae in affini *pilosiuscula* KUNTH. longiores. Duratio huius et *vrticaefoliae*, cultura conueniente, perennis.

Ad alteram huius generis Sectionem, *indica* forsitan excepta, procul dubio reliquae omnes a VAHLIO, KUNTHIO aliisque recentiorum descriptae *Stachytarphetae* pertinent, quibus plerumque etiam spicae, saltem specierum mihi cognitarum, graciliores sunt, et quarum flores rhachi minus immersi reperiuntur. Quas inter *Stachyt. trispicata* NEES. et MART. (*Nov. Act. Acad. C. L. C. Nat. Cur. Vol. XI. p. 70.*) calicem ad medium quadrifidum habet, characteribus tamen reliquis conuenientibus. Profundius adhuc calix in *Stach. squamosa* VAHL. est diuisus, quae vero et aliis notis a generis charactere recedit, ut merito separetur. Hac igitur exclusa, *Stachytarpheta* in Verbenacearum serie omnino proprium constituit genus, a *Verbena*, nulla etiam ratione ad inflorescentiam et florum magnitudinem habita, distinctum: calice compresso, rhachi magis vel minus immerso, corollae tubo recurvo, staminum insertione et proportione, antherarum loculis diuergentibus, stylo recurvo, stigmate peltato, denique fructu disco epigyno minori insidente et semper bipartibili. Limitibus sic positis, Cl. St. HILARIO adsentire nequeo utrumque genus coniungenti; nec ullum superesse potest dubium, quin *Verbena* sua *pseudogaruao* (*Plant. usuelles des Brasiliens t. 40.*) nonnisi inflorescentia et florum magnitudine ad *Stachytarphetam* accedat, reliquis vero omnibus, et quidem essentialibus characteribus cum *Verbena* conueniat.

De structura huius et Verbenae generis fructus magnus est inter Botanicos dissensus. Non esse semina nuda, ut recentiorum quorundam adhuc est sententia, per se liquet. Nec minus is in Stachytarpheta cum NEESIO et MARTIO, VV. Cl., l. c. p. 70. pro vtriculo, vel in vtraque cum Cl. ST. HILARIO l. c. pro capsula haberi potest. Nec multum proficias, si cum Clarissimo R. BROWNIO, Viro alias acutissimo, in Verbena pericarpium tenuē euandū statuas (*Prodr. Flor. N. Holl.* p. 514.). Comparatione cum fructibus affinum generum facta, drupae exsuccae maxime similis esse videtur. Quae etiam est sententia Cl. KUNTHII (*Nov. Gen.* 2. p. 272 et 279.) et quam eo magis approbandam esse censeo, cum GAERTNERUS eiusdem structuræ fructus drupae exsuccae nomine insignit. Huc accedit, quid Verbenaceæ verae fructu drupaceo gaudent, adeoque tam vtriculum quam capsulam excludunt.

PITCAIRNIA L'HERIT.

Calix semisuperus, tripartitus, coloratus. *Petala* tria, basi squama instructa. *Stigmata* tria. *Capsula* trilocularis; loculis introrsum dehiscentibus, polyspermis. *Semina* appendiculata.

Herbae perennes; caule erecto, simplici. Folia angusta, saepius spinosa. Flores racemosi, bracteati.

1. *PITCAIRNIA albulaefolia*, foliis subtus puluerulento-tomentosis basi ciliato-spinosis, racemo simplici, floribus approximatis acutis, bracteis pedicellis longioribus, petalorum squamis dentatis. Tab. 3.

Hab. in India occidentali. Floret et fructescit cum congeneribus.

Radix e fibrillis longis, ramosis, nigris composita. *Caulis* bipedalis et altior, crassitię calami, erectus, teres, tomento puluerulento, denum euanescente obductus, foliatus. *Folia* radi-

calia numerosa, $1\frac{1}{2}$ -2 pedalia, lineas 8 ad pollicem lata, linearia, acuminato-cuspidata, reclinata, infra medium canaliculata et rigida, reliqua parte planiuscula vndata et membranacea, margine basin versus spinosa, spinulis fuscis recurvis et incurvis, supra glabra laete viridia nitida, subtus puluerulento-tomentosa: caulinus sparsa, acuminato-subulata, basi vaginantia, cauli appressa, superne sensim breviora, vt summa pollicem vix superent. *Racemus* apice cernuus, per deflorationem ad spithame longitudinem protensus. *Flores* alterni, pedicellati, approximati, bracteati. *Pedicelli* 3-4 lineas longi, teretes, vna cum pedunculo communi et bracteis simili tomento quibus caulis et folia teguntur vestiti. *Bracteae* pedicellis duplo fere longiores, lineari-lanceolatae, acuminatae, carinatae. *Calix* nouem circiter lineas longus, basi carnosus et flavescent, ouario protuberanti trigono adnatus, superne tripartitus; lacinias lanceolatis, acuminatis, carinatis, glabris, petalis dilutioribus. *Petala* tria, calice plus duplo longiora, lanceolata, breve acuminata, medio hinc dilatata, basin versus angustata, ipsa basi squama parua alba subouata apice plerumque inaequaliter bidentata instructa, in tubum connuentia, dein vna cum staminibus et stylo spiraliter conuoluta, coccinea: superiori lateralia angustiora amplectente, apice adscendente. *Stamina* 6, subinclusa, ex parte superiori ouarii orta. *Filamenta* filiformia, subcompressa, alba. *Antherae* erectae, lineares, didymae, flavae, post anthesin basi sagittatae, subflexuosae. *Ouarium* oblongum, vtrinque attenuatum, trigonum, triloculare, in stylum continuum. *Stylus* directione staminum et petalorum, filamentis paulo longior et duplo crassior, albus. *Stigmata* tria, linearia, semiteretia, flavescentia, in corpus ouale spiraliter conuoluta. *Capsula* semiinfera, oblonga, vtrinque attenuata, trigona, trilocularis, glabra, brunnea; loculis acuminatis, dorso conuexis, vnilocularibus, ad axim inter se connatis, sutura interiori dehiscentibus. *Semina* suturae dehiscenti dense inserta, minutissima, adscendentia, teretiuscula, obtusa, scrobiculus minu-

tissimis seriatis exarata, rubescenti-brunnea, utrinque appendiculata. Quae appendiculae, lentis ope accuratius examinatae, volumen constituant incompletum, celluloso-vasculosum, lutescenti-brunneum, semen altero latere secundum longitudinem fasciae in modum arcte tegens, deorsum modice attenuatum, sursum vero in processum filiformem vario modo curvatum productum. *Integumentum* seminis albumini adnatum. *Embryo* minutissimus, in insima albuminis parte locatus, ouato-oblongus.

Huic Pitcairniae proxime accedunt *P. latifolia* CURTI et ANDREWSII, duae diuersae species, hoc modo distinguendae;

Pitcairnia latifolia, foliis subtus puluerulento-tomentosis basi ciliato-spinosis, racemo subdiviso, floribus approximatis obtusis, bracteis pedicellis subaequantibus, petalorum squamis integerrimis. — Pitc. latifolia Curt. bot. Magaz. t. 856. (non descriptio) et hoc teste: Ait. Hort. Kew. ed. 1. T. 1. p. 401. *Folia* quandoque, ut CURTISSII icon ea exhibet, apicem versus spinula una alteraue instructa. *Flores* maiores. *Bracteae*, exceptis inferioribus, pedicellos vix superantes.

Pitcairnia platiphylla, foliis subtus puluerulento-tomentosis basi serrato-spinosis, racemo subdiviso, floribus distantibus, bracteis pedicellis breuioribus, petalorum squamis integerrimis. — Pitc. latifolia Andr. Repos. t. 322. — *Folia* praecedentium duplo latiora, rigidiora, basi serrato-(nec ciliato-) spinosa. Inprimis vero differt: racemo laxiori; floribus adhuc maioribus, distantibus, pedicello longiori et crassiori suffultis. *Petala* diametro transuersali fere aequalia, obtusiuscula. *Squamae* petalorum lato-ouatae, integerimae.

2. *PITCAIRNIA integrifolia*, foliis angusto-linearibus subintegerimis subtus puluerulento-tomentosis, racemis paniculatis, floribus distantibus patentibus diuergentibus, bracteis pedicellis longioribus, petalorum squamis dentatis.

Pitcairnia integrifolia. Gawl. in Curt. bot. Magaz. t. 1462.

Venit

Venit in Hortis sub *graminifolia*. Habitu proxima *P. angustifoliae* Redour. *Plant. Liliac.* T. 2. t. 76. (sine dubio ab homonyma *Ait. Kew. Curt. Mag.* t. 1547. separanda). *Caulis* 2½ pedalis, penna cygnea crassior, tomento tenuissimo fugaci tectus. *Folia* caulem aequantia, infra medium pollicem dimidium circiter lata, canaliculata, nonnisi basi spinulis nonnullis exiguis instructa, etiam integerrima, substantia firmiora et tenaciora ac in *albucaefolia*, supra saturate viridia et opaca, subtus leuiter puluerulento-tomentosa. *Folia* caulina multo angustiora, in tenuissimum apicem attenuata, vt radicalia reclinata. *Racemus* terminalis pedalis et ultra; laterales 3 l. 4, alterni, breuiores, sicut terminalis erecti. *Flores* lin. 20 ad duos pollices longi, distantes, sub anthesi diuergentes. *Pedicelli* 4–5 lineares, aequae ac pedunculi, bracteae et calices tomento tenui fugaci conspersi. *Bracteae* pedicellis longiores, linearis-lanceolatae, acuminatae. *Calicis* lacinia petalis dimidio minores eisque dilutiones. *Petala* angusta, acutiuscula, coccinea, superne conuoluta, vnde apice minus patent, quam in affinibus. *Squamae* petalorum oblongae, membranaceae, apice subtridentatae. *Stamina* longitudine petalorum. *Stylus* subexsertus. Reliqua generis.

Pitcairnia angustifolia vtraque iam foliis toto margine spinosis dignoscitur. Planta *Hort. Kew.* insuper a nostra et simul ab illa in *Plant. Liliac.* delineata recedit: habitu robustiori, foliis paulo latioribus, racemo densiori, floribus maioribus, bracteis pedicellos subaequantibus, calicibus nonnisi apice coloratis, petalis superne latioribus apice patentibus.

Totum genus recognoscendum. Praecipue vero in partes essentiales floris et fructus singularum specierum inquirendum esset, vt limites inter Pitcairniam et Pourretiam accurati determinarentur. Fructus et seminum structura, qua *albucaefolia* nostra gaudet, et qua-si petalorum squamas forte excipias-praecipuum vtriusque generis discrimin nititur, etiam *latifoliae*, *angustifoliae*.

bromeliaefoliae, integrifoliae et procul dubio omnibus Pitcairniis Indiae occidentalis (ad quam Floram hoc genus specialiter pertinet) indigenis, propria est. Cum his pericarpio et seminibus quoque conueniunt *Pitc. lanuginosa* et *pyramidata* Ruiz. et Pav.; *puluerulenta* horum Auct. vt et *pungens* et *pruinosa* Kunthii (Humb. N. Gen. 1. p. 294.) e contrario quoad semina potius ad Pourretiam accedunt. Nequaquam tamen ex CAVANILLESII aliorumque sententia utrumque genus coniungi posse, vetat Pourretiarum habitus prorsus alienus, imprimis vero capsulae structura, si vera talis est, qualis a *Florae Peruanae* Auctoribus in *lanuginosa* describitur et depingitur.

DRIMIA JACQ.

Corolla insera, sexpartita; laciniis aequalibus, infra medium reflexis. *Stamina* laciniarum basi inserta. *Capsula* triloba, trilocularis; loculis ad axem connatis, dorso longitudinaliter dehiscentibus, semibivalvibus. *Semina* angulo loculamentorum centrali affixa.

Plantae bulbosae. Folia varia. Flores parvi, racemati, bracteati.

† *Foliis scapum praeeun'ibus* *).

1. DRIMIA *lanceolata*, foliis scapo paulo brevioribus lanceolatis vtrinque acuminatis eneruiis immaculatis, racemo paucifloro, pedicellis patentibus recurvis floribus sesquilonioribus.

Lachenalia reflexa. Andr. Repos. t. 299.

Habit. cum congeneribus in Cap. b. sp.

Bulbus tunicatus, globoso-ouatus, nucis Iuglandis fere magnitudine, extus sordide purpurascens - brunneus. *Folia* $3\frac{1}{2}$ -4 polli-

* Huius sectionis etiam *Drimia media* JACQ.

ces longa, pollicem dimidium ad lineas octo lata, lanceolata, vtrinque acuminata, versus apicem angustiora, eneruia, laete viridia, immaculata. *Scapus* subsolitarius, folia longiora paulo superans, erectus, flexuosus. *Racemus* sesquipollucaris; floribus 6-8, distantibus, quatuor lineas longis. *Pedicelli* 5-6 lineares, patentes, sub anthesi - patenti - recurvi. *Corollae* laciniae extus ut pedicilli rubro-punctati. *Stamina* corollam subaequantia. Reliqua vt in sequente.

2. DRIMIA lanceaefolia, foliis scapum subaequantibus lanceolatis acuminatis eneruis supra maculatis, raceno elongato multifloro, pedicellis patenti - recurvis floribus plus duplo longioribus.

Drimia lanceaefolia. *Gawl. in Curt. Magaz.* t. 1380. var. *a*.

Lachenalia lanceaefolia. *Jacq. Collect. Suppl.* p. 69. *Linsd. Ic. plant. rar.* (t. 402.). *Spec. Plant. ed. Willd.* 2. p. 178. *Redout. Plant. Liliac.* 1. t. 59.

β. densiflora.

Lachenalia lanceaefolia. *Gawl. in Curt. Magaz.* t. 643.

γ. longepedunculata.

Scilla lanceaefolia. *Schrink. Hort. Monac.* n. 100.

Tota glabra. *Bulbus* ouatus, etiam globoso-ouatus, diametri sesquipollucaris, tunica fusca tectus. *Folia* semipedalis fere longitudinis, pollicem et ultra lata, lanceolata, longe acuminata, eneruia, laete viridia, supra maculis saturatioribus picta. *Scapi* plures, inter folia solitarii, primo erecti, flexuosi, dein curvati, serius flaccidi totique decumbentes. *Racemus* 3-4 pollicaris, multiflorus, laxus. *Flores* subconferti, $2\frac{1}{2}$ lineas longitudine aequantes. *Pedicilli* 5-6 lineares, ante anthesin patentes, post anthesin patenti - recurvi, fructu maturescente erecti. *Bracteae* exiguae. *Corollae* laciniae oblongae, obtusae, aequales, sordide ex albo virides, margine dilutiiores, sicut pedicelli rubro - punctatae, sub anthesi infra medium reflexae, serius erectae. *Stamina* laciniarum basi inserta iisque vix breuiora; filamenta filiformia, purpurea; *antherae* ellipticae, biloculares. *Ovarium* subpedicellatum, late

conicum, obtusissimum sexsulcatum. *Stylus* subulatus, purpureus, longitudine staminum, post anthesin paulo longior. *Stigma* obtusum, obsolete trisidum. *Capsula* corolla emarcida tecta, membranacea, reticulato-rugosa, cinerea, subglobosa, triloba, trilocularis; loculis dorso fere ad basin usque dehiscentibus. *Valvae* post dehiscentiam ut antea axi centrali inter se connexae. *Semina* in quoquis loculo pauca (in nostris non plane matura), angulo loculamentorum centrali affixa.

In β . flores copiosiores et confertiores; γ . differt foliis minoribus, et racemo breuiori, pedicellis pollicaribus composito; utraque varietas procul dubio cultura orta.

3. DRIMIA *Gawleri*, foliis scapo duplo breuioribus oblongo-ovalibus neruosis immaculatis, racemo multifloro, pedicellis patentrecuruis floribus triplo longioribus.

Drimia lanceaefolia var. β . *Gawl.* *L. c. t.* 1380. (excl. syn. Andr. ad lanceolatam pertinente).

Hyacinthus revolutus. *Ait. Hort. Kew. 1.* p. 458. ed. 2. 2. p. 283. (ex *Gawlero*).

Species a binis praecedentibus diuersissima. *Bulbus* duplo minor, magis globosus, tunica fuscescente. *Folia* bipollicaria vel paulo longiora, semipollicem ad lineas octo lata, oblongo-ovalia, acuta, basi angustata veluti in petiolum canaliculatum semipollicarem, supra neruosa, immaculata. *Scapus* plerumque solitarius, inter folia prodiens, valde flexuosus aut vario modo curuatus, versus basin rubro-punctatus. *Racemus* bi-tripollicaris. *Flores* mediae magnitudinis inter *lanceolatam* et *lanceaefoliam*. *Pedicelli* fere pollicaris longitudinis. Reliqua cum praecedente conueniunt. — Datur varietas foliis longius petiolatis.

4. DRIMIA *ovalifolia*, foliis scapo multo breuioribus ovalibus nernosis immaculatis, racemo paucifloro, pedicellis patentirecuruis floribus triplo longioribus.

Drimia lanceaefolia. *Botan. Cabin. t.* 278.

Praecedenti proxima, sed minor et gracilior. *Bulbus* nucis *Anellanae* magnitudine, tunica fuscescente. *Folia* pollicem circiter longa, lineas 41.5 lata, ovalia, apiculata, in petiolum brevem subcanaliculatum attenuata, supra nervosa, immaculata. *Scapus* solitarius, 4-5 pollicaris, gracilis, flexuoso, curuatus, serius procumbens, punctis rubris vix conspicuis notatus. *Racemus* pollicaris aut sesquipollicaris; pedicellis 5-10, lineas 6-8 longis, purpurascens, sub anthesi patenti-recurvis, serius erectis. *Flores* vix duas lineas longitudine aequantes, sordide purpurascentes. *Filamenta* longitudine corollae, alba, basi purpurea. *Stylus* stamina aequans; stigmate obtuso. *Capsulae* structura et reliqua omnia vt in praecedentibus.

†† *Foliis post scapum praeeruntibus.*

Huc pertinent *Drimia ciliaris*, *elata*, *pusilla* et *undulata* Jacq. *Icon.*, atque *purpurascens* Jacq. *fil. Eclog.*, quibus omnibus scapi solitarii et, duabus posterioribus exceptis, ad foliorum vaginam laterales.

In *Drimiae* affinium generum characteribus definiendis imprimis quoque fructus respiciendus est, quippe qui generatim quidem capsulam trilocularem, at loculorum structura et dehiscentia in diuersis generibus diuersam constituere solet, vt exemplis *Hyacinthi*, *Scillae* etc. docemur. Discrimen inter *Drimiam* et *Lachenaliam* proxime iunctas, praeter florem praecepue etiam fructus suppeditat, in posteriori, secundum Jacquinum, capsulam trilocularem triualuem (adeoque a *Drimia* valde diuersam) constitente. Quibus vero *Lachenaliarum* fructum maturum inspicere contigit, in eius dehiscendi modum simulque in placentationem attente inquirant, vt omnia dubia soluantur.

PLANTAGO LINN.

Calix tetra-rarius triphyllus *). *Corolla* hypocrateriformis; limbo quadripartito, aequali, patentissimo. *Stamina* quatuor, longissima. *Capsula* corolla persistente vestita, circuinscissa, in 2 l. 4 locula divisa ope sporophori demum mobilis; loculis mono - di - aut polyspermis.

Herbae acaules, scapigerae, foliis radicalibus confertis; aut caulescentes oppositifoliae. Spicae terminales, bracteatae.

1. PLANTAGO *canescens*, foliis lanceolato-linearibus linearibusque acuminatis villoso-pubescentibus, scapo tereti appresso-piloso foliis altiori, spica cylindrica dense villosa, bracteis calicem subaequantibus.

Plantago canescens. *Catal. sem. Hort. Gotting.* a. 1821.

Habitat in America boreali. ♂.

Tota pilis mollibus canescens. Radix tenuis, fibrillosa. Folia primaria sesquipollucaria, spatulato-lanceolata, subsequā bi-tripollucaria, lanceolato-linearia, etiam linearia, in petiolum attenuata, acuminata, plana, triruia (angustiora vinneruia), vtrinque imprimis subtus pilosa. Scapus foliis altior (3-4 pollicaris), fructiferus paulo longior, erectus, gracilis, pilis appressis tectus. Spica cylindrica, obtusa, continua, dense sericeo-villosa, pollicaris circiter; in humilioribus individuis dimidio minor et cylindraceo-oblonga. Bracteae exceptis inferioribus calicem aequantes, lanceolatae, acutae. Calicina foliola quatuor, elliptica, obtusa, concava,

*) In *Pl. lanceolata* et pro varr. huic adnumeratis: *altissima* SCHM., *sericea* KIT. et *argentea* LK., nec non in *virginica* L. inter exoticas mihi cognitas species.

vñineruia: duo anteriora sicut bracteae margine membranacea; duo posteriora paulo breuiora, membranacea. *Corollae laciniae lato-ouatae, obtusae, concavae.* *Capsula elliptica, disperma.* Reliqua generis.

Species ab *albicanis* varietate *angustifolia*, cui habitu haud dissimilis, iam duratione annua, a *microcephala* (*monspeliensi* WILLD.) scapo foliis altiori et spica satis diuersa.

2. **PLANTAGO montana**, foliis linear-lanceolatis vtrinque attenuatis, scapis teretibus, spica ouata, bracteis lato-ouatis obtusissimis mucronatis calicem tetraphyllum subaequantibus.

Plantago montana. R. et Schult. Syst. 3. p. 117. c. synn. quibus addenda:

Plantago alpina. Hoffm. Germ. 2. p. 76. Host. Austr. p. 77. Schrank. Salisb. n. 150. Eiusd. Bauar. n. 293. Jacq. Hort. Vindob. 2. p. 58. t. 125.

Plantago angustifolia alpina. J. Bauh. Hist. 3. p. 505. c. ic. Moris. Hist. 3. sect. 8. t. 16. f. 11.

$\beta.$ foliis niveo-pilosis.

Plantago Victorialis. R. et Schult. Syst. 3. p. 126. Poiret. in Encycl. Bot. 5. p. 377. Decand. Gallic. n. 2302. (fide specim.)

Plantago intermedia. La Peyr. Abr. p. 69.

Plantago argentea. Villars. Delp. 2. p. 302. Bellard. App. (fide spec. a Balbisio missi).

Plantago foliis linear-lanceolatis, pubescentibus, spica subrotunda, nuda, scapo subangula-to foliis longiori. Gerard. Prov. p. 333. t. 12.

Habit. in alpibus et subalpinis Europae mediae; $\beta.$ praecipue in Galloprovincia inque valle Pedemontana. — $\alpha.$ Floret Iunio, Iulio; in hortis ab Aprili in Iunii initium.

Facies *lanceolatae* et quidem var. $\gamma.$, quacum olim saepe confusa. *Folia* plerumque *angustiora*, tri-in maioribus indiuiduis quinqueneruia, subpilosa, et vt in *lanceolata* modo integerrima modo denticulata. *Scapi* teretes, pilis patentibus obsiti. *Spica* ouata l. oblongo-ouata, in minoribus subrotundo-ouata. *Bracteae*

lato-ouatae, obtusae, etiam truncatae, saturatius coloratae; neruo latiori, viridi (imprinis inferiorum florum, quod JACQUINI icon optimie repraesentat), in breuem et obtusum mucronem desinente. *Calicina foliola* quatuor, bracteis nonnihil breuiora, subrotundo-obouata, neruo viridi, versus medium euanescente insignita, apice pilosa; anteriori foliolo reliquis paulo latiori.

Plantago Victoriae (*lanceolatae* ♂. quoad superficiem similima) conuenit *montanae* habitu, foliis et florum structura, et recedit nonnisi superficie pilis copiosioribus niueis vestita, discriminé nec sufficiente, nec, vt in aliis vidimus, constante. Ab hac ipsa varietate β. *Plant. argentea* RAM., quoad specimina a b. FLÜGGE communicata, vix nisi paruitate et superficie magis sericeo-pilosa differre videtur. — *Plant. saxatilis* M. BIEB. sua speciei est, nec *argenteae* iungenda, vt Cl. TREVIRANO visum.

3. PLANTAGO *lanceolata*, foliis lanceolatis vtrinque attenuatis, scapis sulcato-angulatis, spica conico-ouata, bracteis oualibus acuminatis calicem triphyllum vix superantibus.

α. *major*, foliis subpilosis, spica elongata.

Plantago altissima. Schmidt in Meyer's Physik. Aufs. 1. p. 239, (sive specim.) Krock. Siles. n. 233. et aliorum Floristar. germ.

Plantago sylatica. Pers. in Schaub's Beschreib. d. Meistr. p. 235.

β. *media*, foliis subpilosis, spica conico-ouata.

Plantago lanceolata. Spec. Plant. ed. Willd. 1. p. 643. (excl. var. γ. ad montanam pertinente). Decand. Gallic. n. 2299. Smith. Britan. 1. p. 184. Eiusd. Engl. Flora 1. p. 214. Roth. Germ. T. 2. P. 1. p. 177. — Hayn. Ic. plant. Offic. 5. t. 15. Engl. Bot. t. 507. Curt. Lond. Fasc. 15.

Plantago collina. Pers. in Schaub. l. c.

Plantago Serraria. Krock. Siles. n. 235. (excl. synn.)

Plantago foliis lanceolatis, quinqueuneruis, scapo nudo, spica ouata. Hall. Helv. n. 656.

Plantago lanceolata. Tabern. Kräuterb. p. 1111. c. ic. J. Bauh. Hist. 3. p. 504. c. ic:

Plantago quinqueuneria, siue *lanceolata*. Lob. Jc. 1. p. 305.

γ. mi-

$\gamma.$ minor, foliis subpilosis, spica subrotundo-ouata.

Plantago angustifolia minor. *Tabern. Kräuterb.* p. 1107. c. ic. *Moris.*
Hist. 3. sect. 8. t. 16. f. 12.

$\delta.$ foliis nivosa-pilosis, spica ouata.

Plantago sericea. *Waldst. et Kitaib. Hung.* 2. p. 163. t. 151.

Plantago argentea. *Link in Schrad. Diar. botan.* 1800. 1. p. 58. (sive
specim.) — *Pl. criophora Mor. Portug.* 1. p. 423. eadem videtur.

Plantago dubia. *Liljebl. Svec.* p. 64. (sive spec. a Swartzio missi).

Plantago foliis lanceolatis longitudine scapi, spica oblonga. *Linn. Svec.* 2.
p. 132. (excl. syn. *Tabern.* ad var. $\gamma.$ pertin.)

$\epsilon.$ spica diuisa.

Plantago lanceolata. *Roth. L. c. $\gamma.$ Leers. Herborn.* n. 108. var. —
Flor. Batav. (t. 42.)

Plantaginis lanceolatae speciem minima. *J. Bauh. Hist. 3.* p. 504. c. ic.

Habit. per totam Europam, et quidem $\alpha.$ in siluaticis humidis;
 $\beta.$ in pratis, pascuis, cultis et ad vias; $\gamma.$ in montosis et
subalpinis; $\delta.$ in apricis, arenosis, sterilibus.

Radix obliqua, etiam perpendicularis. *Folia* petiolata, 4-10
pollices longa, lanceolata, vtrinque attenuata, in petiolum desinencia,
acuminata, quinqueneruia, subpilosa, basi lanata, integerrima
vel denticulata. *Scapi* foliis duplo fere altiores, adscendentibus,
dein erecti, sulcato-angulati, appresso-pilosi. *Spica* conico-ova-
ta, obtusa, densa, erecta. *Bractae* ouales, acuminatae, acumine
calicem paulo excedente, neruo lato-viridi versus apicem evanes-
cente instructae, glabrae. *Calicina* foliola tria, longitudine sub-
aequalia, apice pilosa, sicut bractae membranacea et nitida: an-
teriori lato-obouato, emarginato, nervis duobus notato, conuexo;
duobus lateralibus lato-ouatis, obtusiusculis, carinatis, vñineruiis.
Capsula elliptico-oblonga, mucronata, disperma. Reliqua generis.

Hoc in statu $\beta.$ fere vbique locis indicatis obseruatur; in
 $\alpha.$ folia duplo longiora, latiora, magis glabra et nervis septem
percursa, scapi ad bipedalem et ultra longitudinem protensi et
spicae cylindraceae. Var. $\gamma.$ a $\beta.$ tantum habitu minori, foliis
breuius petiolatis plerumque trineruis et spicis subrotundo-ouatis

recedit; cultura tamen aequa facile in $\beta.$ transit, sicut $\beta.$ solo fertiliori in $\alpha.$ mutatur. In $\delta.$ (cuius et semiina et specimina sicca b. KITAIBELIO debo) folia quidem minora, breuius petiolata, angustiora, saepius nonnisi tribus neruis donata et pilis copiosis niueis vestita; spicae etiam plerumque magis subrotundo-ouatae. Verum haec omnia tantum soli naturae adscribenda, praesertim cum ipse hanc varietatem, solo fertiliori cultam, in $\beta.$ siue vulgarem huius plantae statum, transiisse obseruauerim.

In specierum revisione, qua hoc genus pre aliis eget, inspicienda praefinis sunt foliola calicina, respectu tam ad numerum et mutuam formam, quam ad proportionem versus bracteas habito. Attente quoque inquirendum in spicarum directionem ante et post anthesin, nec non in capsulae loculamenta cum inclusio seminum numero. Ex sola paruitate, vt *Plant. minima*, *nana* aliisque docemur, nullum discriminem petendum; nec foliorum et spicarum forma, neque superficies, nimis a solo pendentes, vix ullius valoris sunt, nisi cum aliis et constantioribus notis iungantur. Hinc, praeter modo memoratas et ad suas species relatas Plantagines, coniungendae adhuc sunt: *villosa* MOENCH. cum *microcephala* POIR., *eriostachya* TEN. (olim ante editam Flor. Neapolitanam alienam a me dictam) cum *Lagopode* L., *serpentina* LAMK. cum *mari-tima*, et *sibirica* POIR. cum *depressa* WILLD. (quae ipsa *asiatica* nimis affinis est). Procul dubio quoque *sphaerocephala* POIR. *montanae*, et *holosericea* GAUD. huius var. $\beta.$ adnumerari debet.

Generis characterem quod attinet, monendum est: calicem, quem fere omnes quadripartitum, imo quadrifidum putant, accuratiori examini subiectum, esse compositum e foliolis, mediante denticulo exiguo, quo rhachi adhaerent, subinde quidem, basi leviter cohaerentibus; sed omnino (paucis forsitan speciebus exceptis) discretis et absque laesione (imprimis fructifero statu) facile separabilibus, quod praesertim Pl. *Cynope* aliisque probatur, qua-

rum calicina foliola duo anteriora obtengunt posteriora, capsulam includentia. Cum Littorellae eadem calicis structura sit, Plantaginearum familiae calix tetra-rarius triphyllus ut adscribatur necesse est.

WAHLENBERGIA.

Calix ouario adnatus; limbo 5-, rarius 4-1. 3 partito.

Corolla campanulata; limbo 5-, rarius 4-1. 3 fido, regulari. *Stamina* 5, rarius 4 l. 3; filamentis basi dilatatis. *Stylus* 1, *stigmate* 3-5 fido. *Diplogium* semiinferum, 5-, rarius 4-3-1. 2 loculare, apice libero in totidem valvas dehiscente. *Dissepimenta* valvis contraria. *Sporophora* angulis loculorum inserta. *Semina* creberrima.

Herbae annuae vel perennes, lactescentes. Folia alterna, rarius opposita. Flores terminales, solitarii aut paniculati. Corollae caeruleae, caerulescentes, albae.

1. WAHLENBERGIA *repens*, radice repente, caulis diffusis procumbentibus basi radicantibus ramosissimis, foliis oppositis subsessilibus ellipticis subserratis, pedunculis terminalibus unifloris.

Hab. in Cap. b. spei. 4 — Flor. in Hortis a Junio in Augustum; fructescit Septembri et Octobri.

Radix repens. *Caules* cespitosi, ad semipedalem longitudinem protensi, filiformes, procumbentes, ad genicula terrae appressa radicantes, ramosissimi, compresso-teretes, internodiis alternatim bisulcatis, glabris. *Rami* similes, oppositi, pilis sparsis obsuti; *ramuli* adscendentes, tenuissime pilosi. *Folia* opposita, breuissime petiolata, 3-4 linearia, elliptica, alia ouato-elliptica,

marginata, subserrata, venosa, basin versus cum petiolo ciliata, ceterum glabra nitidaque: ramulorum minora, confertiora, basi leniter angustata. *Pedunculi* solitarii, teretes, tenuissime pilosi, vniuersi: primo ramulos terminantes, erecti et folia parum superantes; serius (ex ramulorum innouatione) plerumque laterales (et tunc modo oppositisoli modo axillares), paulo subinde duplo fere longiores et recurvati. *Flores* 4 lineas circiter longi. *Calix* ouario adnatus, globoso-obouatus, pubescens; limbi laciniis lanceolatis, acutiusculis, obsolete serratis, glabris. *Corolla* calicis limbo triplo fere maior, campanulata, albo-caerulea vel paulo dilutioris coloris, striis 5 saturatiōibus notata; limbo quinquesido, laciniis oblongo-ouatis, acutis, patentibus. *Stamina* quinque, basi corollae inserta eaque duplo breuiora; *filamenta* versus basin dilatata et ciliata; *antherae* lineares. *Ouarium* apice liberum; *stylus* staminibus longior, corolla paulo breuior; *stigma* trifidum. *Diplobegium* calice sibi adnato supra medium vestitum, subglobosum, triloculare, apice libero trialue; valuis ouatis, acutis. *Dissepimenta* valuis contraria, duplicata, per aetatem partibilia: locula constituentia simplicia (hinc tenuiora), integra, nec, vt in *Campanula*, emarginata. *Sporophora* ad medium axem in ipsis loculorum angulis inserta, parua, hemisphaerica, scrobiculato-punctata, fungosa. *Semina* creberrima, minutissima, elliptica, lenticulari-compressa, tenuissime eleuato-punctata, rufescentia.

Huic generi, iam ante plures annos GEORGIO WAHLENBERG, Professori Vpsaliensi Celeberrimo et de re botanica meritissimo, dicato, praeter *Campanulam grandifloram* L., *elongatam* WILLD. (capensem THB.), *lobelioidem* LINN. f. (Wahl. *pendulam* Nob.), *hispidulam* THB. et *hederaceam* LINN., coniungendae adhuc sunt: *C. paniculata* THB., *gracilis* FORST. aliaeque affines, quas alio loco, imprimis quoad partes fructificationis, iconibus illustratas in publicum exire curabo. *Wahlenberg. ouata*, cuius Cl. DON in

Prodromo Florae Nepalensis mentionem facit, dehiscentia fructus recedit et forte diuersum a nostra constituit genus.

SENECIO LINN.

1. SENEPIO *llacinus*, caule frutescente, foliis oblongis basi angustatis mucronato-dentatis sessilibus semiamplexicaulibus sub-decurrentibus rigidulis glabris, floribus corymbosis, radii multi-flori ligulis elongatis. Tab. 4. f. 1.

Hab. in Cap. b. spei. 24 h. Flor. in Hortis a Maio in Iulium.

Ex elegantioribus sui generis. *Canis* frutescens; tri-quadripedalis altiorque, erectus, superne ramosus, teres, glaber, inferne a casu foliorum squamulosus, cinereus. *Rami* sparsi, patentes, vt superior caulis pars a basi foliorum decurrente subalati, glabri, saepe purpurascenti-virides, nitidi. *Folia* alterna, sessilia, venosa, nero medio subtus prominente, crassiuscula, rigidula, laete viridia, nitida: caulina 2-2½ pollices longa, pollicem dimidium ad lineas octo lata, patenti-recurua, semiamplexicaulia, oblonga, obtusa, basi angustata, mucronato-dentata, dentibus baseos profundioribus, carinae inferioris parte magis vel minus hispida, ceterum glabra; superiora ramos fulcientia basi latiora, amplexicaulia; ramorum duplo minora, confertiora, angustiora, acuta, leuiter carinata, carina glabra 1. subpilosa. *Corymbi* terminales, subramosi, ramorum simplices; pedunculis subangulatis pedicellisque bracteatis, vñfloris. *Flores* magnitudine venusti. *Involucrum* campanulatum (rarius vt in iconē oblongo-campanulatum), per maturitatem basi ventricosum, profunde multipartitum, caliculatum; laciniis 18-22, lanceolato-linearibus, acutis, aequalibus, apice sphacelatis et pubescentibus. *Caliculi* foliola 6-8, laciniis similia, sed triplo minora. *Receptaculum* planum, scrobiculatum; fructiferum obsolete mamillatum. *Flosculi* disci crebri, tubulosi, hermaphroditici; radii 14-18, ligulati, seminei. *Hermaphroditii* inuo-

lucro paulo longiores: *Corolla* flava, apice infundibuliformis, quinquentata; dentibus ovatis, acutis, vinneruis, patentibus. *Antherae exsertae*. *Ovarium* oblongum, dense hispidulum. *Stylus* glaber. *Stigma exsertum*, bipartitum; lacinias linearibus, recurvias. *Achenium elongato-oblongum*, vtrinque in aliis basi tantum attenuatum, leviter incuruum, subangulatum, costis circiter 9 longitudinalibus notatum, glabriuscum, nigrescenti-fuscum. *Pappi pili* corollam subaequantes, scabriuscui, albi. *Feminei*: *Corolla* lilacina; tubo tenui; ligula pollicem dimidium et ultra longa, linearis-lanceolata, obtusa, apice tridentata, quadrineruia, plana, diuergente. *Ovarium* et reliqua ut in hermaphroditis.

Flores in luxuriantibus maiores, radiorum ligulis iusto latioribus, subinde quinqueneruis; folia tunc etiam latiora, potius ovaloblonga, profundius divisa.

2. *SENECIO venustus*, caule frutescente, foliis semiamplexicaulibus pinnatifidis, lacinias acutis dentatis margine reuolutis: iuniorum costa subpilosis, corymbis terminalibus, inuolucro glabro.
a. tenuifolius.

Senecio venustus. *Ait. Kew. 3. p. 192. Spec. Plant. ed. Willd. 3. p. 1990. Lindl. in Hortic. Transact. 6. p. 99. Bot. Reg. t. 901. β. latifolius*.

Species ab *elegante*, cui nonnulli nimis affinem habent, diversissima, habitu et crescendi modo potius ad *lilacinum* accedit. Planta primi anni semipedalis, herbacea, cuius folia oblonga, obtusa, in petiolum breuem attenuata, pinnatifida: lacinias oblongis, dentatis, costa margineque muricato-pilosis. Altero anno iam bipedalem et ultra altitudinem adepta, sequentes offert characteres: *Caulis* frutescens, ramosus, teres, cortice scabro, cinereo. *Rami* sparsi, patentes, subteretes, glabri, nitidi: iuniores subangulati, ad angulos pilis sparsis obsiti. *Folia alterna*, sessiliæ, semiamplexicaulia, subdecurrentia, venosa, nervo medio subtus prominente, crassiusecula, rigidula, scabriuscua: caulina sesquipollicaria et ultra,

profunde pinnatifida, laciinis linearibus, acutis, margine revolutis, dentatis, dentibus obtuse calloso-mucronatis; superiora et quidem ramorum floriferorum remotiora, sensim minora, laciinis tenuioribus, minus dentatis; ramorum iuniorum confertiora, minus divisa, in basin dentatam decurrentia, subtus ad neruum medium plerumque subpilosa. Rudimenta ramulorum in omnibus foliorum axillis. *Flores* pollicem et 4-6 lin. in diametro aequantes. *Involucrum* fere campanulatum, multipartitum, caliculatum; laciinis 20-21, lanceolato-linearibus, acutis, aequalibus, margine membranaceis, apice sphacelatis et leuiter pubescentibus, ceterum glabris. *Calyculi* foliola 12-14, pedicellorum squamulis similia, inuolucro non appressa. *Receptaculum* planum, scrobiculatum, per maturitatem fructus mammillatum. *Flosculi hermaphroditi* crebri, inuolucro paulo longiores: *Corolla* flava, infundibuliformis, quinquedentata, dentibus acutis, patentibus. *Antherae exsertae*. *Ovarium* oblongum, striatum, hispidulum. *Stylus* glaber. *Stigma* exsertum, bipartitum, laciinis linearibus, recurvis. *Achenium* elongato-oblongum, hinc planiusculum, leuiter incuruum, etiam rectum, sulcis 10 l. 11 longitudinalibus notatum, glabrum, fuscum. *Pappi* pili corollam subaequantes, hispiduli, albi. *Feminei*: *Corolla* amoene lilacina; tubo tenui; ligula semipollucari, linearis oblonga, apice obtuse tridentata, quadrineruia, plana, diuergente. Reliqua cum flosculis hermaphroditis conueniunt.

Var. β . in hortis frequentior et procul dubio ex α . orta, per 3 vel 4 annorum culturam ad humanam fere altitudinem ascendit, caule proportionate crassiori. Folia maiora, magis elongata, plerumque tantum ad medium fissa; laciinis paucioribus, valde inaequalibus, lanceolatis, evidentius dentatis; ramorum iuniorum folia linearis-lanceolata aut lanceolata, pinnatifido-dentata.

3. SENECIO *Thunbergianus*, caule frutescente, foliis leuiter pubescentibus pinnatifidis, laciinis oblongis obtusis subsinuato-denti-

culatis, denticulis obtuse mucronatis, floribus corymbosis, radio octofloro. T. 4. f. 2.

Hab. in Cap. bon. spei. 24 h. Flor. in Horto a Junio in Iulium.
E collectione seminum a Meuer. Nasse missorum.

Caulis frutescens, bi-tripedalis, erectus, superne ramosus, teres, cortice scabro, albescenti-brunneo, per aetatem-saturatiori. *Rami* sparsi, patentes, cauli similes: iuniores tomentoso-pubescentes, sordide virides, rarius in purpureum vergentes. *Folia* alterna, venosa, vtrinque imprimis subtus ad neruum medium et venas pubescentia: caulina patentissima, serius (praesertim inferiora) flaccida, in petiolum attenuata, 3-4 pollices longa, sesquipollicem vel parum ultra lata, pinnatisida, laciniis oblongis obtusis, superioribus confluentibus, inferioribus remotioribus et decrescentibus, omnibus inaequaliter subsinuatis denticulatis, denticulis obtuse calloso-mucronatis; superiora vt ramea sensim minora, basi minus attenuata minusque diuisa, sessilia, semiamplexicaulia. *Corymbi* caulem ramosque terminantes, compositi, inaequales. *Pedunculi* sesquipollicares et minores, tenues, subangulati, bracteis foliaceis leuiter pubescentibus stipati. *Pedicelli* 5-3 lineares, squamulis sparsis obsiti. *Flores* parui. *Involucrum* ouato-conicum, serius subcampanulatum, profunde multipartitum, caliculatum, glabriuscum; laciniis 16-18, lanceolato-linearibus, acutis, margine membranaceis, apice pubescentibus. *Foliola* caliculi pauca, bracteis pedicellorum similia, involucro appressa. *Receptaculum* planum, scrobiculatum, fructiferum mamillatum. *Flosculi* disci 20-24, tubulosi, hermaphroditi, citrini; radii 8, ligulati, femininei, hermaphroditis concolores. *Hermaphroditi* involucro paulo longiores: *Corolla* infundibuliformis, quinquedentata; dentibus, ouatis, acutis, patentibus. *Antherae exsertae*. *Ovarium* elongato-oblongum, striatum, dense hispidulum. *Stylus* glaber. *Stigma* exsertum, bipartitum; laciniis linearibus, recurvis. *Achenium* elongato-oblongum, superne attenuatum, rectum l. leuiter incurvum, sulcato-angu-

angulatum, hispidulum, fuscum. *Pappi* pili corollam subaequantes, scabriusculi, albi. *L'eminēi*: *Corollae* tubo tenui; ligula sesquilineam vix longa, elliptica, apice obtuse tridentata, quadrinervia, plana, diuergente. *Reliqua* vt in hermaphroditis. — *Indumentum Senencionum* saepius arachnoideo-tomentosum, in hoc, vt in *rigido*, pilis articulatis compositum:

In serie specierum Willdenowiana *Sect. †† floribus radiatis, radio patente (rectius diuergente), foliis pinnatifidis, ante S. vernalem inserendus.*

4. **SENECIO glomeratus** Desf. *Cat. plant. II Hort. Paris.* p. 124. *Poir.* in *Encycl. botan. Suppl. 5.* p. 130.

Descriptioni Poiretianae sequentia addere liceat. *Radix* plantae per hiemem in frigidario seruatae perennat. *Caulis* pro vario solo vni-l. bipedalis, a basi ramosus, infra divisionem teres, reliqua parte vna cum ramis subangulatus, arachnoideo-tomentosus. *Folia* et quidem vegetioris plantae profunde pinnatifida, supra glabriuscula, subtus leuiter tomentosa: caulinā inferiora fere triplicaria, in petiolum attenuata, laciniis oblongis obtusis, angulato-dentatis; superiora et ramea minora, sessilia, amplexicaulia, angustiora, laciniis lanceolatis, acutis. *Laciniae* omnes inaequales et inaequaliter dentatae, dentibus congenерum more calloso-mucronatis. Plantae contra sterili solo innascenti omnia minora, folia potius pinnatifido-dentata, margine reuoluta, subtus tomento densiori et minus fugaci tecta; flores quoque in corymbum coarctatum dispositi.

Discrimen *glomeratum* et *quadridentatum* LABILL. intercedens sane haud leue, ut Poiretio, *glomeratum* forte ex Billardiana planta ortum statuenter adsentire nequeam. *Glomerato* tamen procul dubio jungenda est Senencionis species, *lanuginosi* nomine haud raro in Hortis occurrēs. In transitu simul moneo, et *Senencionem lycopifolium*, Hortor, (et Poir,?) non diuersam, sed,

eandem constituere plantam cum *squalido* LINN., quo SMITHIO et GUSSONIO, VV. Clariss. iam monentibus, etiam *chrysophyllus* BIV. et *laciniatus* Cxri. pertinent. Nec Viros doctos fugere potuit, inter Seneciones cultos, *montanum*, *rupestrum*, *dentalatum* et *glaucescens*, species nimis affines, limitibus accuratius esse circumscribendas; sed harum characteres in aliud tempus differo, quando et alias congeneres expositurus sum.

Omnes Senecionis species, quas examinare mihi licuit, receptaculo magis vel minus scrobiculato instructae sunt; quae nota igitur, licet et Cinerariis veris conueniat, in huius generis charactere, monente iam GAERTNERO, haud plane negligenda videtur.

EUPATORIUM LINN.

1. EUPATORIUM *paniculatum*, caule herbaceo pubescente, foliis deltoideo-ouatis acuminatis serrato-crenatis trineruis subtus in venis neruisque pubescentibus, panicula terminali corymbosa, floribus pedicellatis solitariis, inuolucro multifloro.

Ageratum paniculatum Hornem. Cat. sem. Hort. Hafn. a. 1822.

Eriopappus paniculatus Bess. Cat. sem. Hort. Volh. a. 1819.

Sub dupli hoc nomine, sine patria indicata, semina missa fuerunt. Planta annua, sub dio florens; radice perpendiculari, fibrillas plures ramosas emitte, sordide alba. Ex qua *Caulis* sesquipedalis, erectus, a basi ramosus, teres, vt rami pubescens. *Rami* oppositi, decussati, teretes, patenti-diuergentes, apice adscendentes: superiores alterni, patentes. *Folia* opposita, petiolata, pollices duos longa, sesquipollicem lata, deltoideo-ouata, breue acuminata, serrato-crenata, rugulosa, reticulato-venosa, trinerua, tenuiter membranacea, supra pilis exiguis adspersa, subtus ad venas neruosque pubescentia, laete viridia: superiora (ramos fulcientia) alterna, sensim minora et acutiora. *Petiolus* dimidium

folii superans, canaliculatus, pubescentis. *Panicula* terminalis, corymbosa, foliata; ramis alternis, elongatis, patentibus. *Corymbi* bi-l. trifidi; pedunculis teretibus, patenti-diuergentibus. *Flores* pedicellati, 3 circiter linearum; pedicellis subcompressis pedunculisque leuiter pubescentibus et bracteatis. *Bracteae* paruae, lanceolatae, acuminatae, basi angustatae. *Squamula* insuper paulo minor versus pedicellorum apicem vel ipso inuolucro subiecta. *Inuolucrum* oblongum, polyphyllum; foliolis 15-18, imbricatis, neruosis, virescentibus, leuiter pubescentibus: interioribus oblongis, basi angustioribus, mucronatis, versus apicem ciliatis; exterioribus sensim minoribus, lanceolatis, acuminatis. *Receptaculum* nudum. *Flosculi* 20-25, inuolucro paulo longiores, duas lineas longi. *Corolla* alba, glabra, tubulosa, versus basin angustata, quinque-dentata; dentibus ouatis, obtusiusculis, patentibus. *Antherae* inclusae. *Ovarium* elongato-oblongum, basi angustatum, quinquangularare, ad angulos hispidulum. *Stylus* glaber. *Stigma* bipartitum; laciniis elongatis, linearibus, apice vix incrassatis, albis, exsertis, patentibus. *Achenium* semilineam vix aequans, ouario conforme, angulis vt in illo hispidulis, fusco-nigrum. *Pappus* pilosus, pilis corollae tubum subaequantibus, leuiter pubescentibus, albis, patentibus.

Est vera *Eupatorii* species, vt ex descriptione patet, et primae huius generis Sectioni Kunthianae (*Humb. N. Gen.* 4. p. 105.) adnumeranda. *Eupatorium paniculatum* MILL. (*Dict. n. 15.*), a nullo recentiorum visum, merito pro dubio habendum, saltem cum nostro nullo modo coniungendum. Habet enim, secundum Auctorem caulem tripedalis altitudinis, folia cordata et flores rubros, in spicam laxam, ramos terminantem, dispositos; quae posterior nota potius aliis affinis quam huius generis speciem indicare videtur. *Eupat. melissae folium* Hort. (non LAMARCK.) plantae nostrae haud dissimile, iam duratione perenni recedit.

ECHINOPS LINN.

Flores capitato - congesti, ebracteati. *Involucrum* polyphyllum, vniiflorum, imbricatum foliolis inaequalibus: insinuis minoribus, paleaceo - setaceis. *Flosculi* tubulosi, hermaphroditi. *Achenium* oblongum, coronatum margine tenuissime lacinulato, persistente.

Herbae aut suffrutices. Folia alterna, pinnatifida, spinoso - dentata. Capitula terminalia, pedunculata; floribus caeruleis vel albis.

1. ECHINOPS *sphaerocephalus*, caule herbaceo ramoso, foliis pinnatifidis supra viscoso - pubescentibus subtus cano - tomentosis, laciinis diuergentibus oblongo - ouatis acutis sinuatis spinoso dentatis.

Echinops sphaerocephalus. Linn. Spec. Plant. ed. Willd. 3. p. 2396.
cum synonymis, quibus addenda:

Echinops paniculatus. Bot. Reg. t. 356, non descriptio.

Echinops horridus Hortor: germ., non Hort. Paris.

Echinops viscosus Hortor.

Radix perennis, ramosa. *Caulis* 4-10 pedales, stricti, superne ramosi, teretes, sulcati, aequae ac rami pilis guttuliferis rubicundis dense tecti. *Rami* erecto - patentes, simplices, striati. *Folia* margine subrecurva, magis vel minus rugosa, supra pilis similibus sed minoribus et pellucidis obsita, subtus cano - tomentosa: radicalia et caulina inferiora (adiecto petiolo) sesquipedalia, pedalia, subpinnata, pinnis inferioribus discretis, pinnatifidis; caulina media sessilia, basi lata amplexicaulia, spithamea, pinnatifida, laciinis utroque latere 3 l. 4, diuergentibus (saepe leviter basi aduersis, vnde folium subruncinatum evadit), oblongo - ouatis, acutis, sinuatiss: lobis dentiformibus, ouatis, spinosis, squarrosis. *Folia* superiore sensim minora, vt ramea sinuata, lobis reliquorum similibus. *Pedunculi* 2-3 pollicares, stricti, striati, tomentosi et pilis guttulili-

seris conspersi. *Capitula globosa*, diametro bipollicari, ramorum paulo minora. *Flores albo-caerulei*. *Involuci foliola imbricata*, persistentia: 3 l. 4 interiora lanceolata, glabra, apico lacinulata, inter lacinulas setula hispidula instructa; exteriora paulo longiora et firmiora, spathulato-lanceolata, basi cuneata, apice setaceous-cuspidata, versus apicem ciliata, carinata, dorso pilis guttuliferis adspersa, sordide viridia; inferiora similia, sed minora et minus acuminata; insima numerosa, dimidio minora, inaequalia, paleaceo-setacea, complanata, hispidula, brunnescenti-alba, fructu maturante patula. *Achenium oblongum*, deorsum angustatum, subconpressum, setulis hispidulis appressis dense vestitum, apice coronatum cupula membranacea (ex achenii integumento exteriori s. epicarpi continuo), dentato-simbriata, lacinulis inaequalibus hispidulis. Reliqua generis, de cuius charactere naturali praecipue conf. Cl. CASSINI Obseruat: in *Journ. de Physique* a. 1819. p. 157.

2. *ECHINOPS paniculatus*, caule herbaceo paniculato-ramoso, foliis pinnatisidis superne viscoso-pubescentibus subtus cano-tomentosis, laciniis patentibus diuergentibus lanceolatis acuminatis sinuatis spinoso-dentatis.

Echinops paniculatus. *Jacq. fil. Eclog. 1. p. 72. t. 49. Baumg. Transilv. 3. p. 80.*

Accedit ad praecedentem habitu, duratione et indumento viscoso-pubescente, quo superior foliorum pagina et reliquae partes dense teguntur. Differt caule superne paniculato-ramoso, ramis patentibus minus strictis, praecipue vero laciniis foliorum caulinorum magis distantibus, lanceolatis, acutioribus, profundius sinuatis et acutius dentatis: inferioribus semper diuergentibus (s. sub angulo recto patentibus), superioribus contra (vt a JACQUINO exhibentur) apicem versus spectantibus. Reliqua eadem. Variat quoque vt *sphaerocephalus* caule nunc altiori nunc humiliori et minus diuiso, rarissime subsimplici, quo in posteriori statu vterque difficilius et non nisi foliorum laciniis dignoscitur. Talia specimina

quondam et me fefelleret, ut *paniculatum* pro varietate *sphaerocephali* haberem.

Duratio a Cl. JACQUINO biennis creditur, sed certe perennis, quoniam planta horti nostri iam in quintum annum durauit. Adsunt aliae ex hac enatae triennes.

Icon JACQUINI optima, mala contra videri posset, in *Bot. Reg.* t. 356 delineata, si re vera nostra planta esset; huius vero loci non esse, sed ad *sphaerocephalum* pertinere, facile patebit conferenti, quae de vtriusque foliorum descrimine supra prolatas sunt.

3. ECHINOPS *bannaticus*, caule herbaceo ramoso, foliis pinnatifidis supra pubescenti-hirtis, subtus albo-tomentosis, laciniis oblongis acutis subsinuatis dentatis spinescentibus.

Echinops bannaticus. *Rochel. in Cat. semin. Hort. Vindob.* a. 1823.

Radix parennis, ramosa, profunde descendens. *Caules* trisepaledes, minus stricti, satis tamen crassi, subflexuosi, superne ramosi, in humilioribus simplices, teretes, sulcati, pilis exiguis guttuliferis tomento arachnoideo intertextis conspersi, vna cum ramis purpurascenti-virides. *Rami* patentes, striati, tomentosi. *Folia* plana, supra pubescenti-hirta et saturate viridia, subtus tomento albo arete adhaerente vestita, margine hispida: radicalia et caulina inferiora (petiolo adiecto) plus quam pedalia, subbipinnatifida; caulina media spithamea et minora, sessilia, basi lata amplexicaulia, pinnatifida, laciniis vtroque latere 3 l. 4, diuergentibus, oblongis, acutis, magis vel minus sinuatis, lobis hinc modo maioribus modo minoribus, semper tamen dentiformibus et in spinulam desinentibus. *Lacinia terminalis* reliquis longior, angustior et acuminata. *Foliorum superiorum sensim minorum* vt et ramorum laciniae oblongo-lanceolatae, basi tantum uno alteriore dente notatae. *Pedunculi* 1½-2 pollicares, striati, albo-tomentosi. *Capitula* et flores magnitudinis inter *sphaerocephalum* et *Ritro mediae*. *Involucri* foliola fere *sphaerocephali*, sed exteriora dimidia

superiori parte caerulea et dorso scabra. Reliqua, vt in praecedentibus.

Nova haec species, quam Experientiss. ROCHEL primo in Bannatu obseruauit, praeter florum colorem et florescentiam seriem, quibus *Ritro* conuenit, etiam foliorum substantia tenuiori et ramis pedunculisque gracilioribus a binis praecedentibus satis diuersa.

4. **ECHINOPS exaltatus**, caule herbaceo simplici, foliis pinnatifidis supra scabris subtus cano-tomentosis, laciniis lanceolatis acuminatis sinuatis dentatis spinescentibus.

Echiops exaltatus. Schrad. Hort. Gotting. p. 15. t. 9.

Caules octo-decempedales altioresque, stricti, quandoque subflexuosi, simplices, sulcato-angulati, pilis sparsis guttuliferis minutissimis et insuper tomento arachnoideo tecti. *Folia* pinnatifida, plana, supra scabra saturate viridia, subtus cano-tomentosa, margine spinuloso-hispida: radicalia (adiecto petiolo) fere sesquipedem longa, densius tomentosa; caulina inferiora pedalia, subsequa spithamea et minora, laciniis vtrinque 4, patenti-diuergentibus, lanceolatis, acuminatis, sinuatis: lobis dentiformibus, ouatis, acuminatis, spinescentibus. *Foliorum* superiorum laciniae minores, angustiores, dentatae, dentibus spinula graciliori terminatis, *Pedunculus* solitarius, caulem terminans, 6-8 pollicaris, striatus, laevis, arachnoideo-tomentosus. *Capitulum* diametro sesqui-l. bipollicari. *Flores* caerulescentes, etiam saturatores. Involucri foliola *sphaerocephali*, sed dorso glabra et infima setacea pauciora ac paulo minora. — *Folia* superiora per aetatem subinde dilutiora, etiam minus scabra; et caulis proprie vnflorus, in luxuriantibus individuis, quamvis rarissime, subdivisus. Reliqua l. c.

Quem *stricti* nomine tanquam nouam huius generis speciem in *Bot. Magaz.* t. 2364. proponit Cl. SIMS, est idem cum nostro *exaltato*. Quo iure vero idem *Echinops* a STEUDELIO aliisque recentiorum *sphaerocephalo*, notis essentialibus obstantibus, adnumerari possit, nondum assequor.

5. ECHINOPS *Ritro*, caule herbaceo subdiuiso, foliis rigidis supra glabris subtus albo-tomentosis, inferioribus bi-superioribus simpliciter pinnatisidis, laciniis spinoso-dentatis.

Echinops Ritro. Spec. Plant. ed. VII. l. c.

β. *ruthenicus*.

Echinops ruthenicus. M. Bieberst. Taurico-Caucas. 3. p. 597. cum synonym.

Praecedentibus humilior et gracilior. *Caulis* magis vel minus diuisus, etiam simplicissimus. *Folia* rigida, supra glabra saturate viridia, per aetatem nitida, subtus, aequae ac *caulis* rami et penduculi tomento albo dense vestita: inferiora bipinnatifida; superiora et ramea sensim minora, simpliciter pinnatifida, lacinulis omnibus squarrosis, spinoso-dentatis. *Capitula* pollicaris circiter diametri. *Flores*, amoene caeruleo colore insignes, post *sphaerocephalum* explicantur. *Involucri* foliola infima setacea quam in congeneribus breuiora, quandoque hreuiissima, vt fere nulla *).

Varietati *ruthenicae* omnia maiora, *caulis* magis ramosus, *folia* profundius diuisa, *capitula* etiam proportionate maiora et *involucrorum* setae paulo longiores; reliqua conueniunt. Ad quam, siue eam pro specie distincta, siue pro varietate habeas, praeter synonyma in *Flora Taurica* allata, referendus quoque esset sub *Ritro* a LINNEO citatus *Echinops* caule subunifloro, foliis duplicato-pinnatisidis, foliolis latiusculis vicinis Gmel. Sib. 2. p. 100. *Echinopem* vero *paniculatum* JACQ. fil. ad mentem Illustr. MAR-SCHALLII pro *ruthenici* „varietate per culturam gigantea“ haberi non posse, ex supra allatis satis patere arbitror.

6. ECHINOPS *strigosus* LINN.

Species satis nota, cum nulla congenerum confundenda, modo foliorum superficiem, modo capitulorum structuram respicias. Icon.

*) Posterioris huius status specimen Cl. DE CANDOLLO (nullas inno-
lucri setas in *Ritro* statuenti) obvia fuisse, verisimile videtur.

bona adhuc desideratur, in Repertorio enim botanico anglico (*Botan. Magaz.*) t. 2109 data, luxuriantem huius plantae statum repraesentat, neglecta, ut fieri solet, partium essentialium analysi. — Varietas foliis bipinnatifidis, lacinis angustioribus *Lamarch. Encycl.* 2. p. 337 mihi nunquam visa. Num re vera huic pertineat, an potius separanda sit, videant autoptae.

Inter reliquias cognitas aut recenter descriptas huius generis species, quantum ex comparatione speciminum siccorum obseruare mihi licuit, distingui merentur sequentes: 7. *ECHINOPS horridus* *H. Paris.*, *Pers. Syn. et Poiret in Encycl. Suppl.* 2. p. 534. Descriptioni a POIRETIO l. c. datae, haec addi possunt: Caulis, nisi epidermide sua denudatus (quale specimen amicissimo PERSOONIO debo, et quale etiam sine dubio POIRETIUS ante oculos habuit), sicut rami pedunculi et foliorum pagina superior pilis exiguis guttuliferis dense tectus. Qua quidem nota haec species *sphaerocephalo* valde appropinquatur, specifice tamen, praeter folia spinis validioribus munita et capitula multo maiora, ab hoc ut et a reliquis congeneribus florum inuolucro differt, cuius foliola in apicem longe subulatum rigidum pungentem attenuata, basi setis copiosioribus, mollioribus, albidioribus et longioribus cinguntur. (Conf. tab. nostra 2. f. 2.) — 8. *ECHINOPS spinosus* *Linn. Spec. Plant.* Statura a *sphaerocephalo*, quo cum LINNE comparat, omnino (secundum specimina spontanea a Cl. HORNEMANNO aliisque missa) diuersus. Caulis $1\frac{1}{2}$ -2 pedalis, rarius altior, crassitie pennae anserinae, ramosus, vna cum ramis tomento albo fugaci vestitus. Folia caulina biplicaria et minora, profunde bipinnatifida, supra subtomentosa (serius glabra), subtus albo-tomentosa; lacinis linearibus, margine reuolutis, in spinam saepe pollicarem desinentibus; lacinulis subulatis, rigidis, spinescentibus. Capitula pedunculo breui tomentoso suffulta. Inuolucri foliola 4 interiora tenuiora, mucronata; exteriora rigida, spinosa, foliolo vno saepe in spinam

longioreni et validorem desinente. Dantur tamen et capitula inuolucri spinis omnibus subaequalibus, flores non superantibus; quapropter spinarum proportio diagnosim intrare nequit, multo minus cum LINNEO pro vnico discrimine haberri potest. — 9. ECHINOPS *microcephalus* Smith. Prodr. Flor. Graec. — 10. ECHINOPS *lanuginosus* Lamarck. Encycl. 2. p. 336.; et 11. ECHINOPS *humilis* M. Bieberst. Taurico-Caucas. 3. p. 598.

Dubiis et minus cognitis speciebus adnumerandi sunt: 1. ECHINOPS *virgatus* LAMARCK. 1. c. p. 337. 2. ECH. *persicus* STEV. (M. BIEBERST. 1. c. 3. p. 597.) 3. ECH. *grandiflorus* (caule suffrutescente scabro, foliis bipinnatis supra scabris, subtus tomentosis, laciniis perangustis; capitulis globosis pedunculatis amplis) Clark. Trav. ed. 2. P. 2. Sect. 1. p. 455. 4. ECH. *spinosa* SIEB. Herb. Cret. (a cognomine modo menorato LINNEI diuersum: caule, vt videtur, altiori, foliis remotioribus, supra nullo tomento vestitis, sed vt in *sphaerocephalo* pilis exiguis guttuliferis dense tectis, minus diuisis, laciniis in spinam graciliorem et breuiorem attenuatis. Inuolucra *spinosi* LINN. Reliqua desiderantur). 5. ECH. *orientalis*, acanthi aculeati folio, capite magno spinoso caeruleo (et albo) Tournef. Cor. 34., a LAMARCKIO cum *spinoso* iunctus, procul dubio etiam aliam affinem speciem respicit; et 6. ECH. *Ritro* β. LINN. s. Echinops caule subunifloro, foliis duplicato-pinnatifidis, foliolis linearibus remotis Gmel. Sib. 2. p. 102. t. 46.

EXPLICATIO TABULARUM II - IV.

TABULA II.

Fig. 1. STACHYTARPIETA *elatior*, planta magnitudine naturali, cui ad latus est folium unum ex inferioribus caulinis, et spicae fructiferae pars modice aucta.

- a. Calix cum bractea, a latere et
- b. Idem absque bractea, a dorso delineatus; } magnitudine naturali.
- c. Calix a dorso, et }
- d. Idem a facie repraesentatus; } aucta magnitudine.
- e. Corolla, magnitud. naturali.
- f. Eadem ad longitudinem dissecta, stamina situ naturali ostendens, magnitud. aucta.
- g. Anthera staminis fertilis loculis dehiscentibus, magnit. valde aucta.
- h. Pistillum, magnitudine naturali.
- i. Stigma a superiori et inferiori parte visum, magnitud. valde auctum.
- k. Fructus integer }
- l. Idem in duas partes secedens; } magnitud. naturali.
- m. Fructus integer, magnitud. auctus.
- n. Eiusdem loculi s. carpella seorsim et ab utroque latere visa, magnit. valde aucta.
- o. Sectio transversalis fructus integri, eiusdem magnitudinis.
 - * Pars corticalis.
 - ** Endocarpium.
 - *** Semen.
- p. Carpellum seorsim, supra medium transversim sectum et a commissura spectatum, eiusdem magnitud.
- q. Semen seorsim } eiusdem magnitudinis.
- r. Embryo solutus;

Fig. 2. ECHINOPS *horridus*.

- a. Involucrum ex vltiori statu,
 - b. Huius foliolum interius }
 - c. — — exterius et }
 - d. — — inferius; }
- magnitudine naturali.

TABULA III.

PITCAIRNIA albucae folia, magnitudine naturali repraesentata.

- Fig. a. Calix
 b. Petalum superius }
 c. — laterale } magnitud. naturali.
 d. Sjama petalorum
 e. Stamina cum pistillo, corolla et calice denudata, magnitud. naturali.
 f. Anthera adhuc clausa } aucta magnitudine.
 g. Eadem loculis apertis;
 h. Pistillum cum adhaerente inferioris calicis parte, magnitud. naturali.
 i. Stigma seorsim, magnitud. auctum.
 k. Fructus petalis et calicis lacinis marcescentibus tectus.
 l. Idem denudatus et deliscens, cum filamentorum rudi- } magnitudine
 mentis; naturali.
 m. Similis, modice auctus.
 n. Fructus loculo uno aperto, eiusdem magnitudinis.
 o. Huius loculum seorsim et ab interiori latere visum, vt seminum
 insertio melius perspici possit, eiusdem magnitudinis.
 p. Semina nonnulla matura, magnitud. naturali.
 q. r. Semen a dorso et a latere delineatum, magnitudine valde aucta.
 s. Idem velainine suo denudatum, et
 t. Simile sectione verticali, vt embryo melius appareat, eiusd. magnit.

TABULA IV.

Fig. 1. *SENECIONIS lilacini* ramum iunioris plantae magnit. natur. exhibens.

- a. Ramulus sterilis annuae plantae
 b. Huius folium a dorso visum
 c. Involucrum fructiferum adhuc clausum } magnitudine
 d. Idem dissectum, receptaculum floriferum ostendens; } naturali.
 e. Receptaculi floriferi pars insigniter aucta.
 f. Ovarium foecundatum, magnitud. natur.
 g. Idem, magnitudine auctum.
 h. Achenium pappo denudatum, magnitudine valde aucta.

Fig. 2. *SENECIONIS Thunbergiani* superior plantae pars, magnitud. na-
 turali delineata.


- a. Foliolum ex inferioribus caulinis, a dorso visum, eiusd. magnitudinis.
 b. Corymbi fructiferi ramus, eiusd. magnitud.
 c. Flos seorsim, aucta magnitudine.
 d. Flosculus radii femineus, natural. magnitudine.
 e. Idem, aucta magnitudine.
 f. Flosculus hermaphroditus, eiusd. magnitud.
 g. Receptaculum fructiferum denudatum, magnitud. naturali.
 h. Receptaculi floriferi pars insigniter aucta.
 i. Achenium immaturum, modice auctum.
 k. Pappi pilus separatus et insigniter auctus.





Blumenbachia insignis.

Schreber de gen. Blume Com. Tom. VI



Stachytarpheta elatior.

Schreber, de gen. Blum. 2. Com. Tern. VI



Pitcairnia albulaefolia
Schlader de gen. Blume


W.E. Berlese delin

P. Gumpel sculp



1. *Senecio lilacinus.*

Dr. Boeper delin.



2. *Senecio Thunbergianus.*

Schrader de gen. Flora a Com Tom. VI

E. Guimpel sculp.
